

Emirembe Omusanvu Egy'Ekkanisa

Essuula Eyookusatu

Omulembe Gw'ekkanisa Ya Efeso

Ennyanjula Eri Emirembe gy'Ekkanisa

Mmwe okusobelera ddala okutegeera mu bulamba obubaka bw'Emirembe gy'Ekkanisa njagala okunnyonnyola ennono ez'enjawulo ezansobozesa okutuuka ku mannya g'ababaka, obuwanvu bw'Emirembe n'ebintu ebirala ebisangbwamu.

Olw'ensonga nti eky'okuyiga kino kye kyali eky'okuba nti kye kisingirayo ddala obukulu mu ebyo byonna bye nnaakayitamu, nnanoonya Katonda okumala ennaku nnyingi nfune okulunngamizibwa kw'Omwoyo Omutukuvu. Olwo ne nsoma busomi Ebyawandiikibwa ebikwata ku Mirembe gy'Ekkanisa n'okugenda mu byafaayo by'ekkanisa ebingi ebyawandiikibwa ab'ebyaaya abateekubiira ebyo bye nnasobola okuzuula. Katonda Teyalemererwa kuddamu kusaba kwange, kubanga bwe nnasoma Ekigambo wamu n'Ebyafaayo, Omwoyo Omutukuvu, Yansobozesa okulaba enkola nga zeeyanjuzu era nga z'ezo ezaayitira ddala mu byasa n'okutuukira ddala mu olunaku luno olusembayo.

Ekisumuluzo ekyampeebwa Mukama ekyo ekyansobozesa okukakasa omubaka owa buli mulembe ky'ekyo ekyali kisinga okuba nga kigendera ku Byawandiikibwa. Mu butuufu kiyinza okuyitibwa ekisumuluzo Nnantalemwa ekya Bayibuli. Kwe kubikkulirwa nti Katonda Tajjulukuka, era nti n'engeri Ze tezijjulukuka nga Ye bw'Ali. Mu Abaebbulaniya. 13:8 kigamba,

"*Yesu Kristo jjo ne leero Aba bumu n'okutuusa emirembe n'emirembe.*"

Omubuulizi 3:14, 15,

"*Mmanyi nga buli Katonda ky'Akola kinaabanga kya lubeerera: tewali kintu kiyinzika okukyongerwako, newankubadde okukisalibwako: era Katonda kye Yava Akikola, abantu balyoke batye mu maaso Ge.*

Ekiriwo kyamala dda okubaawo; n'ekyo ekigenda okubaawo kyabaawo dda; era Katonda Anoonya nate ekyo ekyayitawo."

Kino bwe kiri. Katonda Atajjulukuka ng'Alina engeri ezitajjulukuka. Ekyo kye Yakola OKUSOOKA Ajja kugenda mu maaso ng'Akikola okutuusa nga kikoleddwa omulundi OGUSEMBAYO. Tewagenda kubaawo kukyuka. Kozesa ekyo ku Mirembe gy'Ekkanisa. Engeri y'omusajja Katonda gwe Yalonda eri omulembe ogusooka, wamu n'engeri Katonda gye Yeeyolekamu mu buweereza bw'omusajja oyo, ye yali egenda okuba ey'okulabirako eri emirembe emirala gyonna. Katonda kye Yakola mu mulembe gw'ekkanisa ogwasooka ekyo ky'Ayagala okukola mu mirembe gyonna emirala.

Kati tumanyidde ddala bulungi okuva mu Kigambo ekyo ekyawandiikibwa Omwoyo Omutukuvu engeri ekkanisa eyasooka, oba nnakabala, gye yatandikibwamu era n'engeri Katonda gye Yagyeyolekerangamu. Ekigambo tekisobola kujjulukuka oba okujjululwa kubanga Ekigambo Ye Katonda. Yokaana 1:1

"*Ku lubereberye waaliwo Kigambo, Kigambo n'Aba awali Katonda Kigambo n'Aba Katonda.*"

Okujjulula Ekigambo ekimu ku kyo, nga Kaawa bwe yakola kireeta kibi na kufa, era nga bwe kigamba mu Kubikkulirwa 22:18-19,

"... *Omuntu yenna bw'ayongerangako ku byo, Katonda Alyongerako ku ye ebibonyoobonyo ebiwandiikiddwa mu kitabo kino:*

Era omuntu yenna bw'aggyangamu mu bigambo eby'ekitabo eky'obunnabbi buno, Katonda Aliggyako omugabo gwe ku muti ogw'obulamu, ne mu kibuga ekitukuvu, ebiwandiikiddwa mu kitabo kino."

N'olw'ekyo, ekkanisa kye yali ku Pentekote na kati eryo ly'eddaala. Eyo y'enkola. Tewali nkola ndala. Si nsonga abasomi ba Bayibuli bagamba ki, Katonda TAKYUSANGA nkola eyo. Ekyo Katonda kye Yakola ku Pentekote ekyo ky'Ajja okugenda mu maaso ng'Akola okutuusa emirembe gy'ekkanisa Iwe girikomekkerezebwa.

Newankubadde ng'abayizi bayinza okukugamba nti omulembe gw'Abatume gwaggwaako, tokikkiriza. Enjogera ey'engeri eyo nkyamu lwa nsonga bbiri. Esooka zonna, kikyamu okulowooza nti tekyaliyo nate batume balala, olw'okuba ekkumi n'ababiri abaasooka baafa. Omutume kitegeeza "oyo eyatumibwa"; era waliwo bangi abatumibwa leero, naye nga bayitibwa baminsani. Abantu nga bakyayitibwa era ne batumibwa n'Ekigambo eky'Obulamu waliwo omulembe ogw'abatume ogugenda mu maaso. Ekyokubiri, boogera ku mulembe "Ogw'amaanyi ag'Omwoyo Omutukuvu agaalabisibwa" nti gwaggwaako kubanga Bayibuli yamalirizibwa. Ekyo si kituufu. Tewali wadde ekyawandiikibwa ekimu ekyogera bwe kityo, naye

bingi ebirala ebitukakasa mu ngeri ekontana n'eyo. Obukakafu bwaffe buubuno obulaga endowooza ezo zombi nga bwe ziri ez'obulimba. Biko1wa 2:38, 39.

"Peetero n'abagamba nti Mwenenye, mubatizibwe buli muntu mu mmwe okuyingira mu Linnya lya Yesu Kristo okuggibwako ebibi byammwe, munaaweebwa ekirabo gwe Mwoyo Omutukuvu.

Kubanga okusuubizibwa kwammwe era kwa baana bammwe n'abo bona abali ewala, bona abaliyitibwa Mukama Katonda waffe."

Ekisuubizo ky'amaanyi ago agajjuzibwa abatume ku Pentekote "kyammwe (Abayudaaya), n'abaana bammwe (Abayudaaya), era n'abo bona abali ewala (Ab'amawanga), n'abo bona abaliyitibwa Mukama Katonda waffe (Abayudaaya wamu n'Abaamawanga)." Okutuusa ng'Alekedde awo okuyita, obubaka bwa Pentekote awamu n'Amaanyi TEBIGENDA KUGGWAAWO.

Ekkanisa kye yalina ku Pentekote ly'eddeme lyayo eritayinza kugiggyibwako. Mu kusooka, ekkanisa yalina Ekitambo kya Katonda ekitaali kitabulemu. Ekkanisa yalina amaanyi ag'Omwoyo agaalagibwamu bубонеро n'ebyamagero eby'enjawulo wamu n'ebirabo by'Omwoyo Omutukuvu. Abaebbulaniya. 2:1-4,

"Kye kivudde kitugwanira okusinga ennyo okulowooleza ddala ebyawulirwa, kabekasinge ne tubivaako.

Kuba oba ng'ekigambo ekyayogerwa bamalayika kyanywera, na buli kyonoono n'obutawulira (eri Ekitambo) byaweebwanga empeera ey'ensonga;

ffe tuliwona tutya bwe tulireka obulokozi obwenkana awo; Obwo obwasooka okwogerwa Mukama waffe, ne bulyoka bututegeerezebwaa ddala abaabuwulira;

era Katonda ng'Ategeereza wamu nabo mu bубонеро ne mu byamagero, era ne mu by'amaanyi ebtali bimu, era ne mu birabo eby'Omwoyo Omutukuvu, nga bwe Yayagalanga yekka?"

Ekkanisa eyo eyasooka teyategekebwa bantu. Yakulemberwa Omwoyo Omutukuvu. Teyali nnene nnyo. Yakyayibwa era n'enyoomebwa. Yanyigirizibwa. Yayigganyizibwa okutuuka mu kufa. Naye yali ya mazima eri Katonda. Yasigala ng'erina enkola eyasooka ey' Ekitambo.

Kati wano temubaabuzibwa. Bwe nnagambye nti Katonda n'engeri Ze tebakyukakyuka, ssaagambye nti ekkanisa n'ababaka baayo baali tebayinza kukyuka. Ekkanisa si ye Katonda. Kale ekkanisa esobola okukyuka. Naye kye nnagambye kye kino nti olwa Katonda Atajjulukuka wamu n'enkola Ze ezitajjulukuka tusobola okuddayo ku ntandikwa ne tulaba enkola eyasooka era entuufu eya Katonda olwo nno ne tusalawo okusinziira ku ddaala eryo. Bwe kityo bwe kikolebwa. Ekkanisa Entuufu bulijjo ejja kufubanga okufaanana ng'eri eyasooka ku Pentekoote. Ekkanisa ey'amazima ey'ennaku zino ejja kugezaako okwenkanankana n'eyo ey'edda eyasooka. Era n'ababaka b'ekkanisa nga balina Omwoyo wa Katonda y'Om u mu bo, bajja kugezaako okwenkanankana ne Pawulo Omutume. Tebajja kuberera ddala nga ye; naye ababaka abatuufu be bajja okuba abo abeefaaanaanyirizaako Pawulo, ataali musibe wa muntu yenna, nga yatunda obulamu bwe eri Katonda, era ng'afulumya Kigambo kya Katonda kyokka, ng'ayolesa Omwoyo mu maanyi. Tewali kirala ky'olina kukola. Olina kukola ng'osinziira ku ekkyo ekyasookawo. Ng'ekintu kyonna bwe kizaala ekkyo ekikifaanana, Ekkanisa ey'Amazima bulijjo ejja kuba nga y'eyo egezaako okutambulira mu bigere by'abo abaagitandikawo ku Pentekoote era ababaka baayo bajja kugobereranga omutume Pawulo, omubaka eyasooka eri omulembe gw'ekkanisa eyasooka. Kyangu bwe kityo era kya kitalo bwe kityo.

N'ekisumuluzo kino, ekyangu ennyo, so nga kya kitalo, nnasobola, nga nnyambibwako Omwoyo Omutukuvu, okusoma Ekitabu ky'Okubikkulirwa wamu n'Ebyafaayo ne nkisanga mu buli mulembe, buli mubaka, ebbanga erya buli mulembe, n'ekitundu buli omu kye yatuukiriza mu ntegeka ya Katonda okuva ku Pentekoote okutuuka ku ntikko y'emiremba egoy.

Kati nga bwe mutageera engeri gye tusalawo ekkanisa ey'amazima engeri gye yali efanaanamu (ki kye yali ku Pentekoote, kye yali ku mulembe gw'Abatume nga bwe kyatekebwa mu Kigambo mu kitabu ky'Ebikolwa by'Abatume) tuyinza okweyambisa enkola y'emu okulaga engeri ekkanisa gye yagwamu. Ensobi esooka, oba ensobi ezo ezaayingira mu kkanisa eyasooka era ne zibikkulwa mu Bitabo ekky'Ebikolwa n'eky'Okubikkulirwa era ne mu bbaluwa zija kugenda nga zeeyolekera ddala mu mirembe nga bwe gigenda giddirinngana, okutuusa lwe tunaatuukira ddala amazima we gaabuutikirwa ekizikiza mu mulembe ogusembayo, oba ogwa Lawodikiya.

Kati okuva mu kisumuluzo kino ekisooka kye tufunye okuva eri Mukama wajjavo amazima amalala agatali ga kitalo nnyo. Nnagambye nti ekkanisa ey'amazima bulijjo ejja kugezaako okuba nga bwe yali mu kitabu ky'Ebikolwa. Ekyo ddala kituufu. Naye tukivumbudde nti Ekitambo nakyo kiyigiriza okulumbibwa kw'ensobi okutuusiza ddala amazima bwe gabuutikirwa ekizikiza mu nnaku ez'oluvannyuma nga Mukama waffe Anaatera okulabika. Kati ekibuuozo kijja mu mitima gyaffe; Katonda Ava ku babe n'Abaleka okugwa mu mbeera y'okulimbibwa kwennyini? Tewali ngeri yonna, kubanga Ebyawandiikibwa bigamba butereevu

mu Matayo 24:24, nti "Omulonde" TAYINZA kulimbibwa.

"Kubanga walija bakristo ab'obulimba, ne bannabbi ab'obulimba, nabo balikola obubonero obukulu n'ebiyamagero; n'okukyamya bakyamye n'abalonde, OBA NGA KIYINZIKA."

Olwo ate kiki? Eky'okuddamu kitegeerekeka bulungi mu maaso gaffe. Waliwo ekkanisa ey'amazima n'Ekkanisa ey'obulimba. Waliwo omuzabbibu ogw'amazima n'omuzabbibu ogw'obulimba. Naye mu butuuuf ekkanisa ey'obulimba, omubiri gw'omuzabbibu ogw'obulimba, bulijjo gujanga kugezaako okutwala ekifo eky'Ekkanisa ey'Amazima era guwakane n'okuwakana nti ggwo, so si omulonde, gwe gwannamaddala era gwe gwakakasibwa. Ogw'obulimba gujja kugezaako okutta ogw'Amazima. Bwe kityo bwe kyali mu Kitabo ky'Ebikolwa by'Abatume, era bwe kityo bwe kiragibwa mu mirembe omusanvu, era bwe kityo bwe kirangirirwa mu Bbaluwa ezitali zimu. Bwe kityo bwe kibadde. Bwe kityo bwe kiri kaakano. Bwe kityo bwe kijja okuba. Tekiyinza kukyuka.

Kati wano ka tubeere beegendereza nnyo tuleme kutabulwa. Kale tujja kunoonya Ekigambo ekiwigira endowooza eno. Ka tuddeyo eri Ekitabo ekyasooka, Olubereberye. Mu Iusuku Adeni mwalimu emiti EBIRI. Ogumu gwali mulungi; n'omulala gwali mubi. Ogumu gwaleeta OBULAMU, omulala gwaleeta Okufa. Waaliwo abaana babiri abaasookera ddala okuwaayo ssaddaaka eri Katonda.

Lubereberye. 4:3-5

"Awo ennaku bwe zaayitawo Kayini n'alyoka aleeta ebibala by'ettaka okubiwaayo eri Katonda.

Abbeeri naye n'aleeta ku baana b'endiga ze ababereberye n'amasavu gaazo. Mukama n'Akkiriza Abbeeri ne ky'awaddeyo:

Naye Kayini ne ky'awaddeyo teyamukkiriza ..."

Naye omu (Kayini) yali mubi, nga wa kitaawe (oyo Omubi), ate nga Abbeeri yali mutuukirivu mu maaso ga Mukama. Nate waaliwo abaana babiri okuva mu mibiri gye gimu egy'abazadde be bamu. Baali abalongo ba Isaaka ne Lebbeeka. Omu yali mulonde wa Katonda n'omulala ataasiimibwa. Bombi baasinza Katonda. Ku buli mulundi mwalimu okusinza Katonda. Era ku buli mulundi omubi yakyawanga omutuukirivu era n'ayigganya omutuukirivu. Naye oluusi ng'omubi atta omutuukirivu. Naye weetegereze. Baasimbibwa wamu. Baabeeranga bona. Bombi beebaliranga ku Katonda era baasinzanga Katonda.

Bino ebiragiddwa biweera ddala ekifaananyi eky'olugero Iwa Mukama waffe Yesu Kristo bwe Yagamba nti obwakabaka obw'omu ggulu bwafaananyizibwa n'omusajja eyasiga ensigo ennungi, wabula omulabe we n'ajja n'asiga ensigo embi mu nsigo zino ennungi. Katonda Teyasiga nsigo za mu nsiko. Setaani ye yasiga ensigo ezo ez'omu nsiko wakati mu nsigo ennungi eza Katonda. Ebika ebyo ebibiri eby'ebimera (abantu), nga bisibuka mu nsigo ez'emirundi ebiri ez'enjawulo, byakulira wamu. Byalyanga ekiriisa okuva mu ttaka lye limu. Byagabana ku musana gwe gumu, enkuba n'emigaso emirala gyonna, era buli kimu kyakungulirwa mu kiseera kyabyo. Okiraba? Teweerabiranga amazima gano nga bwe tugenda tusoma emirembe gy'ekkanisa n'oluvannyuma obubonero. N'okusinga byonna, teweerabira nti mu mulembe guno ogusembayo, nga enngaano ey'omu nsiko esibibwa ebiganda olw'okwokebwa, nti bajja kusikamu enngaano eyo Mukama gy'Anateeka mu ggwanika.

Njagala okugenda n'ekirowoozo kino okutuukira ddala ku nkomerero, kale ka tweyongereyo mu maaso katono. Wali osomye ku byafaayo by'okudda obuggyga? Kati okudda obujja kiraga omulimu gwa Katonda mu maanyi. Na buli mulundi Katonda gw'Akola, Setaani naye abeerawo okukola. Talemererwa. Mu nnaku z'okudda obuggyga okw'ekitalo okwa Welsh (era kino abantu abasinga obungi tebakimanyi), ebifo omwakuumirwanga abatabufu b'emitwe byajjula mangu, era waaliwo okweyleka okw'ekitalo okw'amaanyi ga Setaani kuwalule ebirowoozo by'abantu okubiggya ku Katonda. Kyawandiikibwa nti mu nnaku za Wesley abantu baakolanga ebintu ebisinga okuba ebitali bya bulijjo ebyali ddala ebya setaani okugezaako okukudaalira obulungi n'amaanyi ga Katonda. Mu nnaku za Luther kigambibwa nti ekyamagero ky'obuweereza bwe tekyesigamizibwa mu kuba nti yasobola okuwakanya Ekereziya y'e Rooma Enkatulika, naye ekyamagero kyesigamizibwa mu kuba nti yali asobola, era yasigala nga muteefu era mutebenkevu wakati mu bazoole abaali bajjuziddwa era nga bakozesebwa emyoyo emibi. Era singa obadde omanyi obuweereza obw'ennaku zino ezisembayo, wandirabye okulumbibwa kwe kumu okw'emyoyo emikyamu era emibi. Kirina kuba mu ngeri eyo. Kati nsuubira era nkakasa nti mulina endowooza ey'omwoyo emala ekyo okukitegeera, era mukyekwatire ddala.

Okunogaanya ensonga eno ey'okwetabula kw'emizabbibu ogw'Amazima n'ogw'obulimba era n'okulaga emyoyo ebiri egikola, ka tutunule mu 1Yokaana 4:1-4, ne Yuda, 3, 4, 12.

"Abaagalwa, temukkirizanga buli mwoyo, naye mukemenga emyoyo, oba nga gyava eri Katonda: kubanga bannabbi ab'obulimba bangi abaafuluma mu nsi.

Mutegeererenga ku kino Omwoyo gwa Katonda: buli mwoyo ogwatula nga Yesu Kristo Yajja mu mubiri nga guvudde eri Katonda:

na buli mwoyo ogutayatula nti Yesu Kristo yajja mu mubiri nga teguvudde eri Katonda: era ogwo gwe mwoyo gw'omulabe wa Kristo, gwe mwawulira nga gujja, ERA KAAKANO gumaze okuba mu nsi.

Mmwe muli ba Katonda, abaana abato, era mwabawangula (omwoyo gw'omulabe wa Kristo) kubanga Ali mu mmwe (Omwoyo wa Katonda) Asinga obukulu ali mu nsi."

Yuda 3, 4, 12.

"Abaagalwa, bwe nnali nga nfuba okubawandiikira eby'obulokozi bwaffe ffenna, nnawalirizibwa okubawandiikira okubabuulirira okuwakaniranga ennyo okukkiriza ABATUKUVU kwe baaweebwa omulundi ogumu.

Kubanga WALIWO ABANTU (si Abatukuvu) abayingira nga basensera (abo tebaayingira mu kisibo nga bayita mu MULYANGO n'olw'ekyo banyazi) abaayawulirwa edda omusango guno, ABATATYA Katonda abakyusa ekisa kya Katonda waffe okuba obukaba ne beegaana Oyo yekka Mukama Katonda waffe, era Mukama waffe Yesu Kristo.

Bano ge mayinja agatalabika mu mbaga zammwe ez'okwagalana bwe balya NAMMWE, abeeriisa bokka awatali kuty...

Tekiyinza kuwakanyizibwa awali Ebyawandiikibwa bino nti Ekkanisa ey'amazima n'ekkanisa ey'obulimba zaagombagana wabula nga nsigo za njawulo.

Kale kati, ndowooza waliwo ekintu ekirala kye mulina okumanya. Ekkanisa ezo omusanvu ezaayanjulwa Yokaana ziri mu Asia Minor era zonna kkanisa z'Abaamawanga. Tayogera ku kkansia ey'e Yerusaalemi eyo eyali okusingira ddala ey'Ekiyudaaya nga mpozzi mulimuuko n'Abaamawanga batono. Ensonga eri nti Katonda Yali Akyuse okuva eri Abayudaaya okudda eri ab'Amawanga. N'olw'ekyo emirembe gyonna omusanvu egy'ekkanisa Katonda Akolagana n'Abaamawanga, era nga Yeeyitira Omugole ow'Amawanga. Ekyo kifuula "Emirembe gy'Ekklesia" "N'okutuukirizibwa kw'Abaamawanga" okuba ekintu kye kimu. Ebikolwa 13:44-48,

"Awo ku sabbiiti eyookubiri ne bakunngaana nga kibuga kyonna okuwulira Ekigambo kya Katonda.

Naye Abayudaaya bwe baalaba ekibiina, ne bajjula obuggyaa ne bawakanya ebyayogerwa Pawulo, nga babivuma.

Pawulo ne Balunabba ne boogera n'obuvumu nti Kyagwana okusooka okubuulirwa Ekigambo kya Katonda mu mmwe. Kubanga mukisindiikiriza so temweraba kusaanira bulamu obutaggwaawo, laba tukyukira eri ab'Amawanga.

Kubanga Mukama Yatulagira bw'Ati nti Nkuteseewo okubanga omusana gw'amawanga Obeerenga obulokozi okutuusa ku nkomerero y'ensi.

Ab'amawanga bwe baawulira ne basanyuka ne bagulumiza Katonda: bona ne bakkiriza abaali baterekeddwa bulamu obutaggwaawo."

Abaruumi 11:1:-8,

"Kale njogera nti Katonda Yagobaabantu Be? Kitalo. Kubanga era nange ndi Muyisraeri, wa mu zzadde lya Ibulayimu, wa mu kika kya Benyamini.

Katonda Teyagoba bantu Be be Yamanya edda. Oba temumanyi ebya Eriya ebyawandiikibwa bwe byogera? Bwe yasaba Katonda ng'ayogera ku Bayisraeri nti Mukama batta bannabbi Bo, ne basuula ebyoto byo: nange nfisseewo nzekka, era banonya obulamu bwange. Naye okuddamu kwa Katonda kumugamba kuty? Nti Nze nneefisirizzaawo abasajja kasanvu, abatafukaamiriranga Baali.

Kale bwe kityo era ne mu biro bino waliwo ekitundu ekyafikkawo mu kulonda okw'ekisa, si lwa bikolwa nate: obo nga si bwe kityo, ekisa si kisa nate.

Kale tukole tutya? Isiraeri kye yanoonya, teyakiraba; naye abaalondebwa baakiraba, abalala ne bakakanyazibwa:

nга bwe kyawandiikibwa nti Katonda yabawa amaaso ag'okubongoota, amaaso ag'obutalaba, n'amatu ag'obutawulira okutuusa ku lunaku lwa leero."

Abaruumi 11:25-29,

"Kubanga ssaagala mmwe, ab'oluganda obutamanya kyama kino, mulemenga okubeera ab'amagezi mu maaso gammwe mmwe mwekkka, ng'obukakanyavu bwabeera ku Bayisraeri mu kitundu, okutuusa okutuukirira kw'abaamawanga lwe kulituuka;

era bwe kityo Abayisraeri bona balirokoka; nга bwe kyawandiikibwa nti mu Muliva mu Sayuuni

Awonya; Aliggyawo obutatya Katonda mu Yakobo:

Era eno y'endagaano Yange eri bo, Bwe Ndibaggyako ebibi byabwe.

Mu njiri, be balabe ku lwammwe: naye mu kulondebwa baagalwa ku lwa bajjaja.

Kubanga ebirabo n'okuyita kwa Katonda tebyejjusibwa."

Amakanisa gano omusanvu agasangibwa mu Asia Minor gaalina mu go empisa, edda ennyo, ng'empisa ezo mu mirembe egy'oluvannyuma ze zaakula ne zifuuka ebibala mu mirembe egyaddirira. Ezaali ensigo obusigo ezaasimbibwa edda oluvannyuma zaakula oktuuka okukungulibwa nga Yesu bwe Yagamba,

"*Kubanga bwe bakola bino ku muti omubisi, ku mukalu kiriba kitya?*" Lukka 23:31.

Obubaka Eri Omulembe Gw'ekkanisa Ya Effeso

Okubikkulirwa 2:1-7,

Eri malayika ow'ekkanisa ey'omu Efeso wandiika nti Bw'Ati bw'Ayogera Oyo Akwata emmunyeenyne omusanvu mu mukono Gwe ogwa ddyo; Atambulira wakati w'ettabaaza omusanvu eza zaabu.

Nti Mmanyi ebikolwa byo, n'okufuba kwo n'okugumiikiriza kwo, era nga toyinza kugumiikiriza babi, era wabakema abeeyita abatume so nga si bo, era wabalaba nga balimba.

Era olina okugumiikiriza era waguma olw'Erinnya Lyange, so tewakoowa. Naye nnina ensonga ku ggwe, kubanga waleka okwagala kwo okw'olubereberye.

Kale jjukira gye wagwa, Eweeneny, okolenga ebikolwa eby'olubereberye; bw'otalikola bw'otyo, Njija gy'oli, era Ndiggyawo ettabaaza yo mu kifo kyayo, bw'otalyenena.

Naye kino ky'olina kubanga okyawa ebikolwa by'Abanikolayiti; Nange bye Nkyawa. Alina okutu awulire Omwoyo ky'Agamba ekkanisa. Awangula Ndimuwa okulya ku muti ogw'obulamu, oguli wakati mu lusuku lwa Katonda.

Omubaka

Omubaka (malayika) ow'ekkanisa ya Efeso yali omutume Pawulo. Eky'okuba nti ye yali omubaka ow'omulembe gw'Abaamawanga ogwasooka tekiyinza kuwakanyizibwa. Newankubadde nga Peetero yaweebwa obuyinza okuggulawo enzigi eri ab'Amawanga, naye Pawulo ye yaweebwa eky'okuba omubaka era nnabbi waabwe. Ye yali Nnabbi-Omubaka eri ab'Amawanga. Obuweereza bwe obw'obunnabbi, obwamufunyisa okubikkulirwa okulamba okw'Ekipambo eky'Abaamawanga, kyamukakasa okuba omutume omubaka waabwe. Kino abatume abalala abaali mu Yerusaalemi bakkiriziganya nakyo.

Abaggalatiya 1:12-19,

"Kubanga nange ssaagiweebwa muntu so siyigirizibwanga, wabula mu kubikkulirwa kwa Yesu Kristo.

Kubanga mwawulira bwe nnabanga edda mu mpisa z'Ekiyudaayanti nnayigganyanga nnyo ekibiina kya Katonda nga njagala okukizikiriza

Era okukulaakulana kwange mu ddiini y'Ekiyudaaya kwali kwa maanyi nnyo okusinga bangi bwe twakula mu ggwanga lyaffe, nga mbakiranga okubeera n'obuggy obungi ennyo mu mpisa ze nnaweebwa bajjajange.

Naye Katonda bwe Yasiima, Eyanjawula okuva mu lubuto lwa mmange, n'Ampita olw'ekisa Kye,

okubikkulira Omwana We mu nze, ndyoke mmubuulirenga mu b'Amawanga; amangu ago ssaateesa na mubiri wadde na musaayi:

so ssaayambuka Yerusaalemi eri abo abansooka okubeera abatume: naye nnagenda mu Buwalabu, ne nkomawo nate mu Ddamasiko.

Awo bwe waayitawo emyaka esatu ne nnyambuka e Yerusaalemi okulaba Keefa, ne mmalayo gy'ali ennaku kkumi-na-ttaano.

Naye ssaalaba mulala ku batume wabula Yakobo muganda wa Mukama waffe."

Abaggalatiya 2:2,

"Nnalinnayayo lwa Kubikkulirwa; ne mbanjulira enjiri, gye mbuulira mu b'amawanga, naye mu kyama eri abo abaatenderezebwa, mpozzi nneme okugenderanga obwerefere ova nga nngenze."

Abaggalatiya. 2:6-9,

"Naye abaatenderezebwa okuba abakulu (nga bwe bali kye kimu gye ndi; Katonda Tasosola mu bantu) — abaatenderezebwa tebannyongerako kintu:

naye mu ngeri endala, bwe baalaba nga nnateresebwa enjiri y'abo abatali bakomole, nga Peetero olw'obutume bw'ab'amawanga);

era bwe baategeera ekisa kye nnaweebwa, Yakobo ne Keefa ne Yokaana, abaatenderezebwa okuba empagi, ne batuwa omukono ogwa ddyo ogw'okussa ekimu nze ne Balunabba, ffe tugende eri abakomole."

Abaruumi. 11:13

"Naye mbagamba mmwe ab'amawanga. Kale kubanga nze ndi mutume w'ab'amawanga, ngulumiza okuweereza kwange."

Pawulo yatandika ekkanisa mu Efeso nga mu makkati g'ekyasa ekyasooka. Kino kitusobozesa okuteekawo ennaku ez'entandikwa y'omulembe gwa Efeso; ziri nga emyaka 53 A.D.

Engeri gye yaweerezangamu yateekawo enkola ababaka bona ab'omu maaso gye baalina okugoberera, era ddala y'enkola eteekebwawo eri buli muweereza wa Katonda omutuufu, newankubadde nga tayinza kutuukira ddaala ku ddaala mu ngeri ey'obunnabbi nga Pawulo bwe yakola. Obuweereza bwa Pawulo bwalina ebintu ebikulu bisatu era bye bino wammanga:

Okusookera ddala, Pawulo mu bulambirira yali mwesigwa eri Ekigambo. Teyakyamanga kukivaako ka kibe ki. Abaggalatiya 1:8-9,

"Naye oba nga ffe oba malayika ava mu ggulu bw'abuuliranga enjiri wabula nga bwe twababuulira akolimirwe."

Nga bwe twasooka okwogera, bwe ntyo bwe njogera ne kaakano nate nti, Omuntu bw'ababuuliranga enjiri wabula nga bwe mwaweebwa akolimirwenga."

Abaggalatiya 2:11, 14,

"Naye Peetero bwe yajja mu Antiyokiya, nnamuwakanya nga tulabagana maaso n'amaaso, kubanga yali mukyamu ddala."

"Naye bwe nnalaba nga tebaawkata kkubo ggolokofu mu mazima g'enjiri, ne nngambira Peetero mu maaso gaabwe bona nti Oba nga ggwe bw'oli Omuyudaaya ogoberera empisa z'ab'amawanga ezitali za Kiyudaaya, owaliriza otya ab'amawanga okugobereranga empisa z'Ekiyudaaya?"

1 Abakkolinso 14:36-37,

"Oba gye muli Ekigambo kya Katonda gye kyava? oba kyatuuka eri mmwe mwekkka?

Omuntu yenna bwe yeerowoozanga okuba nnabbi oba wa mwoyo, ategeerenga bye mbawandiikira, nga kye kiragiro kya Mukama waffe."

Kino kyekkaanye nti Pawulo teyalunngamizibwa kibiina, wabula yakulemberwa Mwoyo, nga Katonda bwe Yalunngamya Musa okukulembera abaana ba Isiraeri okuva e Misiri. Akakiiko ak'e Yerusaalemi si ke kaatuma Pawulo wadde okuba n'obuyinza bwonna okumufuga. Katonda, Katonda Yekka, Ye Yamutuma era n'okumukulembera. Pawulo teyali wa bantu, wabula wa Katonda. Abaggalatiya 1:1,

"Pawulo omutume (ataali mutume wa bantu, newankubadde okutumibwa omuntu, wabula eri Yesu Kristo ne Katonda Kitaffe, eyamuzuukiza mu bafu:)"

Abaggalatiya 2:3-5,

"Naye newankubadde Tito eyali awamu nange, eyali Omuyonaani, teyawalirizibwa kukomolebwa:

naye olw'ab'oluganda ab'obulimba abaayingizibwa mu kyama, abaayingira mu kyama okuketta eddembe lyaffe lye tulina mu Kristo Yesu, okututeeka mu buddu:

abo tetwabagonderako ssaawa n'emu okufugibwa bo; amazima g'enjiri ganywerenga gye muli."

Ekyokubiri, obuweereza bwe bwali mu maanyi ag'Omwoyo, mu ngeri eyo nga bulaga Ekigambo kya Katonda ekiwandiike era ekyogere. 1Abakkolinso 2:1-5,

"Nange, ab'oluganda bwe najja gye muli, sajja na maanyi mangi ag'ebigambo oba amagezi nga mbuuilira ekyama kya Katonda.

Kubanga nnamalirira obutamanya kigambo mu mmwe, wabula Yesu Kristo era Oyo Eyakomererwa. Nange nnabeeranga nammwe mu bunafu ne mu kutya ne mu kukankana okungi.

N'ekigambo kyange n'okubuulira kwange tebyabanga mu bigambo bugambo eby'amagezi ebisendasenda, wabula mu kutegeeza kw'Omwoyo n'amaanyi.

Okukkiriza kwammwe kulemenga okubeera mu magezi g'abantu, wabula mu maanyi ga Katonda."

Ebikolwa. 14:8-10,

"Mu Lusitula yaliyo omuntu nga talina maanyi mu bigere n'abeeranga awo nga mulema okuva mu lubuto lwa nnyina nga tatambulangako n'akatono.

Oyo n'awulira Pawulo ng'ayogera: naye n'amwekaliriza amaaso n'alaba ng'alina okukkiriza okulokoka, n'ayogera n'eddoboozi ddene nti Yimirira ku bigere byo, weegolole. N'abuuka n'atambula."

Ebikolwa 20:9-12,

"Omulenzi erinnya lye Yutuko n'atuula mu ddirisa, n'akwatibwa otulo tungi; awo Pawulo bwe yalwawo ng'akyanyumya, ng'akwatiddwa otulo tungi n'ava mu nju eyookusatu, n'agwa n'alondebwa ng'afudde.

Pawulo n'akka n'amugwako n'amuwambaatira n'agamba nti Temukuba biwoobe; obulamu bwe mwebuli munda.

N'alinnya n'amenya omugaati n'alyako n'alwawo n'gakyanyumya okutuusa enkyo n'alyoka avaayo.

Ne baleeta omulenzi nga mulamu, ne basanyuka si katono."

Ebikolwa 28:7-9

"Waaliwo kumpi n'ekifo ekyo ensuku z'omuntu omukulu w'ekizinga erinnya lye Pubuliyo: oyo n'atusembeza n'atujjanjabira n'ekisa ennaku ssatu.

Awo kitaawe wa Pubuliyo yali agalamidde, ng'alwadde omusujja n'ekiddukano ky'omusaayi: Pawulo n'ayingira mwali, n'asaba n'amussaako emikono n'amuwonya.

Ekyo bwe kyakolebwa, abalala abaali ku kizinga abaalina endwadde ne bajja ne bawonyezebwa."

2 Abakkolinso 12:12,

"Mazima obubonero obw'omutume bwakolerwanga ewammwe mu kugumiikiriza kwonna, mu bubonero n'ebiyamagero n'ebi'amaanyi."

Ekyokusatu, yalina obukakafu bw'ekirabo ky'obuweereza Katonda bwe Yamuwa. 2 Abakkolinso 12:11,

"Nfuuse musirusiru: mmwe mwampaliriza; kubanga nnagwanira okutenderezebwa mmwe; kubanga ssaasangibwa mu

Omulembe Gw'ekkanisa Ya Efeso 65 kigambo kyonna abatume abakulu ennyo, newankubadde nga siri kintu." 1 Abakkolinso 9:2,

"Oba nga ssiri mutume eri abalala, naye ndi mutume eri mmwe: kubanga mmwe kabonero k'obutume bwange mu Mukama waffe."

2 Abakkolinso 11:2,

"Kubanga mbakwatirwa obuggyga bwa Kotonda: kubanga "nabafumbiza bammwe omu, ndyoke mbaleete eri Kristo."

Pawulo ye yali yakozesebwa okuyingiza Ab'amawanga (endiga) abangi ennyo; yabaliisa, n'abalabirira, okutuusa lwe baavaamu ebibala eby'obutuukirivu ne beetegeka, ng'ekitundu ku mugole w'Abaamawanga, okusisinkana Mukama.

Mu kiseera Okubikkulirwa we kwaweerwa, okusinziira ku ndowooza, Pawulo yali yattibwa dda ng'omujulizi, naye Yokaana yali agenda mu maaso mu kifo kye ng'akolera ddala nga Pawulo bwe yakola mu buweereza bwe. Okufa kwa Pawulo, ng'Okubikkulirwa tekunnaweebwa, tekiggyaawo mazima nti ye yali omubaka eri Omulembe gw'Ekklesia ya Efeso, kubanga omubaka eri buli mulembe, si nsongaa ddi lw'abeerawo oba ddi lw'agenda, y'oyo atabaganya omulembe ogwo ne Katonda ng'ayita mu buweereza Ekigambo mwe kyeyolekedde. Pawulo ye yali omuntu oyo.

Ekibuga Kya Effeso

Ekibuga kya Efeso kyali ekimu ku bibuga ebisatu ebyali bisinga obunene mu Asiya. Bulijjo kyayitibwanga ekibuga ekyokusatu mu nzikiriza y'Obukulisitaayo nga Yerusaalemi kye kisooka ne

kiddirirwa Antiyokiya. Kyali kibuga kigagga nnyo. Obufuzi bwali bwa Rooma naye olulimi olwakozesebwanga Iwali Luyonaani. Ab'ebafaayo bakkiriza nti Yokaana, Malyamu, Andereya ne Firipo baazikibwa mu kibuga kino ekirungi. Pawulo, eyatandikawo enzikiriza entuufu mu kibuga kino, yasumba mu kibuga kino okumala emyaka ng'esatu gyokka; naye bw'ataabangawo mu kisibo, olubeerera yabasabiranga era yabalowoozangako. Timoseewo ye yasooka okubeera omulabirizi mu kibuga kino.1 Timoseewo 1:1-3,

"Pawulo omutume wa Kristo Yesu ng'okulagira kwa Katonda Omulokozi waffe bwe kuli n'okwa Kristo Yesu essuubi lyaffe;

eri Timoseewo omwana wange ddala olw'okukkiriza: ekisa, okusaasira, emirembe bibenga gy'oli ebiva eri Katonda Kitaffe ne Kristo Yesu Mukama waffe.

Nga bwe nnakubuulirira okubeera mu Efeso, bwe nnali nga nngenda e Makedoni, olagirenga abamu obutayigiriza bulala."

Erinnya lyennyini, Efeso, lirina amakulu ga mirundi ebiri ageewuunyisa, "okuluubirira", ne "okuddirira." Okuyaayaana (okufuba) okwa waggulu okw'omulembe guno okwali kutandise n'obujjuvu bw'Omwoyo, "obuziba bwa Katonda," mwe baali baluubiririra ne baba nga tebakyerinda nnyo. Okugoberera Kristo okutali kwa maanyi nnyo kwatandika okweyleka ng'akabonero nti mu mirembe egy'omu maaso ekidduka ekya nnamaddala ekiyitibwa ekkanisa kyali kya kukka wansi mu "buziba bwa Setaani" obw'ekitalo. Gwali guserebye era nga guwaba. Gwali gutandise okugwa. Gwali gulese okwagala kwagwo okwasooka. Akasigo akaasimbibwa mu Mulembe ogwo ogwa Efeso lumu kaali kajja kukula kafuukemu omwoyo ogw'ensobi ennyonyi embi zonna ez'omu bbanga zisulenga mu matabi gaagwo. Mu ndowooza y'obuntu akasimbe kano kaali ka kulabika ng'akatalina kabi konna eri Kaawa Omupya (Ekkanisa Empya) alyoke nate omulundi omulala alimbibwe Setaani. Omulembe gwa Efeso gwagiwa (ekkanisa) omukisa ogw'okwerondera ekisinga obulungi ekyali kivudde eri Katonda, era okumala akabanga yali mpanguzi, naye ate neesereba, era mu kaseera ako awataali kwerinda Setaani n'agisigamu ensigo eyoononera ddala.

Enzikiriza yennyini eya Efeso eweera ddala ekifaananyi ky'omulembe guno ogwasooka era eteerawo ddala enkola ey'emirembe egigenda okujja. Okusookera ddala, yeekaalu ya Diana amatendo, eyatwala emyaka emingi ng'ezimbibwa, mu mpya zaayo entukuvu mwalingamu ekifaananyi kya Diana ekyali kyakaayakana era nga kisikiriza eri buli muntu. Diana yali tafaananirako ddala n'akatono ku bifaananyi bye byonna ebirala ebyatuulanga mu yeekaalu ezaamuzimbirwa. Yali kifaananyi bufaananyi, ekikazi, kumpi ekitaalina nkula yonna era oluvannyuma kyaddayo ne kifuuka omuti mwe kyayolebwa. N'emikono gye ebiri gyakolebwa mu mitayimbwa ebiri. So ddala kino nga kiraga ekifaananyi ky'omwoyo omulabe wa Kristo eyasumululwa mu mulembe ogwasooka. Awo gwasumululwa wakati mu bantu, naye ne gutabeera na nkula yonna kusasamaza bantu. So nga emikono ebiri egy'emitayimbwa gyalaga nti kyali kigendererwa kye, engeri gye yalumbamu, okubetenta omulimu gwa Katonda. Era kyalabika nga tewaali yamulaba oba yamanya kiki kye yali akola. Naye lumu baali bajja kulaba nga n'emikono ego egypt'ekyuma "ebikolwa" bye, bye byafuuka "enjigiriza", n'enjigiriza ye yafuuka etteeka mu bwakabaka.

Engeri gye baasinzungamu mu yeekaalu nayo erina kinene ky'ebikkula. Okusookera ddala, waaliwo, bakabona abaali abalaawe. Obwakabona buno obwali butazaala bwayoleka obugumba (obufiirwa) bw'abantu abaali bagenda okuwaba nga bava ku Kigambo, kubanga abantu abeebala okuba nti bamanyi Katonda nga tebeekutte ku Kigambo bagumba abataliimu bulamu okufaanana ng'omulaawe atazaala. Ekyokubiri, yeekaalu yalina munda muyo ababiikira embeerera abaakolanga emirimu gy'eddiini egya yeekaalu. Kino kyali kiraga olunaku mu maaso embaga n'emikolo, obulombolombo n'ebikolwa we byali bigenda okutwala ekifo ky'Omwoyo Omutukuvu era n'okutambula mu maanyi okw'Omwoyo Omutukuvu ng'Alagibwa we kutiliddayo kujjuza yeekaalu ya Katonda. Waggulu waabwe bona waaliyo kabona asinga obukulu, omuntu ow'amaanyi g'ebiyobufuzi ng'ate wa ttutumu mu bantu ekyo nga kiraga ekifaananyi ky'ekyo ekyali kigenda mu maaso wadde kyali tekinnalabikira ddala, ky'ekyo nti ekkanisa mangu ddala yali egenda kuweebwayo wansi w'obukulembeze bw'omuntu, entegeka ze, n'ebiruubirirwa bye olwo "bw'Atyo bw'Ayogera Omwoyo Omutukuvu" kibe nga tekikyaliwo n'akatono. Ate wansi waabwe bona waaliyo abaddu b'omu yeekaalu abataalina kya kukola okuggyako okugondera obugondezi abakulu b'eddiini. Kino kirina makulu ki amalala okuggyako okuba nti olunaku Iwali Iujja ababuulizi ab'amaganduula nga bakozesa obukodyo bw'ebiyobufuzi, obuyambi bw'eggwanga, n'okuteekawo ebikwate n'ebiyiiye mu kifo ky'Ekgambo n'Omwoyo n'obukulembeze bw'abantu byali bya kusiba ekibiina mu buddu bo abakulembeze beeyagalire mu bugagga obufunibwa mu bukyamu era bawoomerwe amasanyu gaabwe amavundu, abantu abaavu okusinziira ku Katonda abaali bateekwa okuweerezebwa, kati be baafuuka abawereza.

Yesu , Omubaka WE N'amakanisa

Kubikkulirwa 2:1,

"...Bw'Ati bw'Ayogera Oyo Akwata emmunyeenyi omusanvu mu mukono Gwe ogwa ddyo Atambulira wakati w'ettabaaza omusanvu eza zaabu."

Ono y'oli Eyayogerwako, "Yesu y'omu ono ye BYOMBI Mukama era Kristo Yesu". Wuuyo awo Omu Oyo era nga ye Yekka Mukama Katonda Omuyinza wa Byonna, era okuva ku Ye tewali mulala. Wuuyo awo, Omulokozi ("...obulokozi buva eri Mukama," Yona 2:9) ng'Atambulira wakati mu kkanisa okuyitira ddala mu mirembe omusanvu. Ekyo kye Yali mu mulembe ogwasooka ky'Abeera mu mirembe gyonna. Eri buli mukkiriza, ye Yesu Kristo Abeera obumu jjo leero n'emirembe gyonna. Kye Yakola omulundi ogumu Akyakikola, era Ajja kugenda mu maaso okukola.

Kati ojja kukiraba nti Yesu Atambula Yekka wakati mu makanisa Ge. Tewali mulala n'omu ali naye. Ate era ddala tewayinza kubaawo n'omu, kubanga Ye Yekka Ye Yamukolera obulokozi era bwe Yamala okumugula n'omusaayi Gwe Yennyini, Ye Mwene ye nnannyiniye. Ye Mukamaawe era Omukulu we. Emuwa (ekkanisa) ekitiibwa kyonna era ekitiibwa ekyo Talikigabana na mulala. Tewali ppaapa ali naye. Tewali ssaabalabirizi ali naye. Malyamu, nnyina w'omubiri gwe ogw'oku nsi tali wamu naye. Tayogera ate n'Akyuka eri Kitaawe kubanga Ye Ye Kitaffe. Takyukira ludda lulala kuwa biragiro eri Omwoyo Omutukuvu, kubanga Ye Katonda, Omwoyo Ataggwaawo, era obulamu Bwe bwe bukulukuta era z'entunnunsi mu kkanisa ezimuwa (ekkanisa) obulamu, era w'Atali tewali bulamu. Obulokozi buva eri Mukama.

Tewaali n'omu yali naye bwe Yali ng'Alinnyirira obukambwe bw'obusungu bw'ekikoomi ky'omuliro. Teyali mulala, wabula Ye Eyawanikibwa ku musaalaba n'Awa omusaayi Gwe. Ye Mutandisi era Omumaliriza w'okukkiriza kwaffe. Ye Alufa ne Omega ow'obulokozi bwaffe. Twayogerezebw Ye so si mulala. Tetuli ba kkanisa. Tuli babe. Ekigambo Kye tteeka. Ebikwate, ebiyiye by'abantu, amateeka ne ssemateeka (constitution) tebirina kye bitukolako. Ddala, ye Yesu YEKKA, Atambulira wakati mu makanisa. Ye Katonda Ali mu ye, Ayagala era Akola ebirungi ebimusanyusa. Ekyo temukyerabiranga. Mulina oluganda lumu Iwokka ne Katonda Alina oluganda lumu Iwokka nammwe — Ye YESU, era YESU YEKKA.

Wuuyo awo n'emmunyeenye omusanvu mu mukono Gwe ogwa ddyo. Omukono ogwa ddyo amakulu gaakyo maanyi na buyinza bwa Katonda. Zabbuli 44:3,

"Kubanga tebaalya nsi olw'ekitala kyabwe, Newankubadde omukono gwabwe si gwe gwabalokola. Wabula omukono Gwo ogwa ddyo n'engalo Zo, n'omusana ogw'amaaso Go. Kubanga baalaba ekisa eri Ggwe,"

Mu mukono ogwo ogwa ddyo ogw'obuyinza mulimu emmunyeenye musanvu, abo okusinziira mu Kubikkulirwa 1:20, be babaka ab'ekkanisa omusanvu. Kino kiraga nti amaanyi n'obuyinza byennyini ebya Katonda biri mabega wa babaka Be eri buli mulembe. Bagenda mu maaso mu muliro n'amaanyi ag'Omwoyo Omutukuvu n'Ekigambo. Mmuniyenye kubanga bakasuka nate ekitangaala. Ekitangaala ekibavaako bakiggya ku Ye. Tebalina kitangaala kyabwe ku bwabwe. Tebakoleeza muliro gwabwe ku bwabwe abantu balyoke batambulire mu kitangaala ky'ebitawuliro byabwe. Isaaya 50:11 Kiro kubanga mu kiro emmunyeenye we ziviirayo. Kiro kya nzikiza ey'ekibi kubanga bona (n'ensi yonna), baayonoona ne batayinza kutuuka ku kitiibwa kya Katonda Baruumi 3:23.

Ababaka bano omusanvu be bamanyisa Katonda eri abantu. Oyo abasembeza, aba asembezza Oyo Eyabatuma. Yokaana 13:20. Boogerera era bakolera ku buyinza Bwe. Ayimirira emabega waabwe n'amaanyi gonna ag'Obulamba bwa Katonda. Mataayo 28:18-20,

"Awo Yesu n'Ajja n'Ayogera nabo, n'Abagamba nti Mpeereddwa OBUYINZA BWONNA mu ggulu ne ku nsi."

Kale mugende, mufuule amawanga gonna abayigirizwa, nga mubabatiza okuyingira mu Linnya lya Kitaffe, n'Omwana n'Omwoyo Omutukuvu;

Nga mubayigiriza okukwata byonna bye Nnabalagira mmwe: era laba, NZE NDI NAMMWE ENNAKU ZONNA, okutuusa ku nkomerero y'ensi (okutuusa enurembe gino lwe giriggwaawo)."

Kale baabo awo nga bajjudde Omwoyo n'okukkiriza, nga baaka n'omuliro gwa Katonda, banywezezza Ekigambo eky'amazima era Ayimiridde awo okubawagira. Era kirowoozeeko, tewali mukkiriza n'omu mu mulembe gwonna yeetaaga kukaaba mu mutima gwe. "Oh, singa nnaliwo mu mulembe ogwasooka abatume mwe baasookera okutumibwa." TEKYETAAGISA kutunula mabega. TUNULA WAGGULU! Tunuulira Oyo kati Atambulira wakati mu kkanisa okuyita mu mirembe gyonna. Tunuulira Oyo Abeera obumu jjo, leero n'emirembe gyonna; era Oyo Atakyuka mu mulamwa gwe oba mu makubo Ge. Babiri oba basatu we bakunngaanira mu Linnya Lye, awo Abeerawo mu makkati gaabwe! Ate Tabeerawo mu makkati gaabwe ng'omutunuulizi amatidde kyokka, oba nga malayika awandiika; naye Ayimiridde awo ng'Alagira ddala kiki ky'Ali — Obulamu, Atubeenzaawo era Omugabi w'ebirabo byonna ebirungi eri ekkanisa. Aleruuya!

"Atambulira wakati w'ettabaaza omusanvu eza zaabu." Ebigambo ebyo nga bya makulu nga bitunuuliddwa mu kitangaala ky'Ebyawandiikibwa ebimunyyonnyolako nga "Kristo Oyo Obulamu bwaffe." Kubanga Kristo, ddala, bwe bulamu bw'ekkanisa. Terina bulamu bulala. Nga Taliwo eba kibiina bubiina kya ddiini, kiraabu, kukunngaana kw'abantu omutali makulu. Ng'omulambo ogutoneddwa n'amayinja ag'omuwendo era ne gwambazibwa bwe gusigala nga mulambo, n'ekkanisa bw'etyo, si nsongea entegeka

zaayo n'okufuba kwayo wa we bigituusa, bw'etaba na Kristo nayo eba mulambo. Naye bw'Aba wakati mu yo, Ye nga y'Agikubiriza, efuuka ekyewuunyisa ku "mubiri Gwe gwonna, obulamba Bwe obujuza byonna mu byonna. Ne mu ssaawa eno yennyini Atambulira wakati mu ttabaaza ey'omulembe guno ogusembayo. Ekyo kye Yali bwe Yatambulira mu Mulembe ogwasooka era ky'ekyo ky'Ali ne mu mulembe guno ogusembayo. Yesu Kristo Aba BUMU, JJO, ne LULI.

"Ettabaaza omusanvu eza zaabu." Mu Kuva 25:3I, kigamba,

"Era olikola ekikondo ne zaabu ENNUNGI: ekikondo KIRIWESEBWA, entobo yaakyo, n'omukonda gwakyo; ebikompe byakyo, n'emite gyakyo, n'ebimuli byakyo, biribeera bya zaabu emu nakyo."

Ekklesia entuufu eya Yesu Kristo, omugole, efaananyizibwa ne zaabu ENNUNGI. Obutuukirivu bwayo bwe butuukirivu BWE. Ebisaanyizo byayo by'ebisaanyizo BYE eby'ekitiibwa. Ekifaananyi kyayo kisangibwa mu Ye. Ye ky'Ali nayo ky'eteekwa okulaga. Ekyo ky'Alina, nayo ky'eteekwa okwoleka. Teriimu kikyamu mu yo. Yonna ya kitiiibwa ku ngulu ne munda. Okuva ku ntandikwa okutuuka ku nkomerero yonna mulimu gwa Mukama waayo, era emirimu Gye gyonna tegiriiko kamogo. Ddala ddala mu yo amagezi gonna agataliiko kkomo n'ekigendererwa kya Katonda mwe birabikira. Omuntu asobola atya okugipima? Omuntu ayinza atya okugitegeera? Newankubadde nga ekyo tetukisobola, tuyinza okukisembeza nga tuyita mu kukkiriza, kubanga Katonda Akyogedde.

Ettabaaza si ya zaabu kyokka wabula ya zaabu ENNONGOOSE. Yakolebwa mu zaabu eyalongoosebwa, okusinziira ku byagiwindiikirwa Omwoyo bye Yawa. Ebweru wa Mukama waayo era Mukulu waayo, Yesu Kristo, waliyo abantu abaali balongooseddwa ne bagololwa ng'omugole wa Yesu Kristo? Mazima ddala ajuuliriza (omugole) okubonaabona okwo Kristo kwe Yaleka. Ebyayo byanyagibwa. Obulamu bwayo buli mu katyabaga. Obulamu bwe (omugole) bubalibwa ng'endiga ey'okusalibwa. Attibwa okuzibya obudde. Abonaabona nnyo, naye mu byonna teyeesasuza, wadde okuleetera abalala okubonaabona. Omugole wa Kristo omwagalwa, asaanidde Enjiri. Era nga yo zaabu bw'esoboka okuweesewbamu ekintu eky'enkula yonna, so nga kyo ekikomo ekizigule bwe kiweesewbamu kimenyeka, yo eno zaabu ya Katonda ejja kugumira okubonaabona kwayo ku Iwa Mukama, nga tekyamye, temenyese, teyoononese wabula ng'ekoleddwamu ekintu ekirungi olubeerera ekisanyusa okuyita mu bikemo n'ebigezo by'obulamu buno.

Kristo Awaana Ababe

Okubikkulirwa. 2:2, 3,

"Mmanyi ebikolwa byo, n'okufuba kwo n'okugumiikiriza kwo, era nga toyinza kugumiikriza babi, era wabakema abeeyita abatume so nga si bo, era wabalaba nga balimba;

era olini okugumiikiriza, era waguma olw'Erinnya Lyange, so tewakoowa."

Engeri nga ya kitalo Omulokozi gy'Awaanamu era gy'Asiimamu abaana Be. Afaayo ku ndowooza zaabwe zonna ennungi ez'omwoyo wamu n'empisa. Amanyi nti mulimu obunafu mu bo, naye Tannaba kubakangulira ku ddoboozi mu kubanenya. Oyo talabikira ddala nga Mukama? Amanyi engeri y'okutuzzaamu amaanyi mu bintu ebirungi era n'obutatuwagira mu bikiyamu. Ffenna tusobola okuyiga essomo eddungi wano engeri y'okuddukanya ekklesia n'amaka gaffe. Ate n'okusingako, ffenna twandiyize eky'okuyiga ekirungi nti Katonda Akolagana na buli muntu kinnoomu ku ffe mu ngeri y'emu ddala ng'eno. Toggwangamu maanyi, mutukuvu wa Katonda, kubanga Katonda si wa ttima kwerabira kufuba kwo okw'okwagala. Buli kye tukola, wadde okuwa obuwi ekikopo ky'amazzi agannyogoga omuntu, kirina empeera n'omukisa okuva eri Mukama.

"Mmanyi ebikolwa byo n'okufuba kwo n'okugumiikiriza kwo." Nga bw'Atambulira wakati w'ekkanisa Ye, Amanyi okubonaabona kw'abantu Be era Afaayo. Nga bwe kyali mu nnaku z'obuddu e Misiri bwe Yawulira okukaaba kwabwe, Oyo Atakyuka era Akyawulira okukaaba kw'abajoogebwa nga bw'Abatambuliram. Ekgambo kyennyni, okukola, kiraga obukoowu okuyita mu kunyigirizibwa. Abantu ba Katonda tebamukolera bukolezi mirimu mu kukola okw'okwagala, naye bamubonaabonera n'essanyu. Bagumiikiriza mu kwetikka ekikoligo. Omulembe guno ogwasooka gwabonaabona nnyo mu kuyigganyizibwa. Gwalina okukola ennyo okubuulira Enjiri era gwafulumya amazima. Okuyitibwa kwabwe okwa waggulu mu bulamu okuweereza Katonda, era ng'essuubi lyabwe mu bulamu bwe lyayonoonebwa, baagumiikriza era byonna ne babikwasa Oyo Eyali Abasuubizza empeera ey'olubeerera mu ggulu olw'ebyo bye baali beefiirizza ku lulwe ku nsi.

Ndowooza tusaanye tuyimirire wano tukwate ku kirowoozo kino nti abantu ba Katonda bulijjo babadde bayigganyizibwa era bajjanga kuyigganyizibwa. Mumanyi nti Lubereberye ky'ekitabo ky'entandikwa, era ky'osanga ekyatandikira eyo kijja kugendera ddala mu maaso okuyita mu Kubikkulirwa awatali kukyuka. Omwo tulaba nga Kayini yayigganya era n'atta Abiri kubanga Abiri yasanyusa Katonda. Ate ne tulaba ekifaananyi kyennyni mu mwana wa Ibulayimu ow'omubiri, Ismaeri, eyajoonyesa era n'alwanyisa omwana w'ekisuubizo, Isaaka. Ate waaliwo Esawu, eyakyawa Yakobo, n'ayagala n'okumutta,

singa Katonda Teyabiyingiramu. Mu Ndagaano Empya tulaba Yuda ng'alya mu Yesu olukwe, so nga enkola y'eddiini ey'ekyasa ekyasooka yagezaako okuzikiriza abakkiriza abaasooka. Abaana b'ensi eno, nga bafugibwa setaani, bakyawa abaana ba Katonda abafugibwa Omwoyo.

Si nsonga Omukulisitaayo ne bw'abeera mwesimbu era omwenkanya okwenkana wa mu bantu, ne bw'abeera ow'ekisa eri muntu munne, ng'akola birungi byereere, leka ayatule Kristo ng'Omukulokozi we era akkirize okukola kw'ebirabo by'Omwoyo Omutukuvu mu nnimi, obunnabbi, okuwonyezebwa n'ebiyamagero, ajja kunenyezebwa. omwoyo w'ensi eno akyawa Omwoyo wa Katonda, era olw'okuba tayinza kuwangula Mwoyo wa Katonda agezaako okuzikiriza ekiba Omwoyo wa Mazima mwatuula.

Okuyigganyizibwa n'ebigezo bya butonde, era kitundu kya bulijo ku bulamu bw'Omukulisitaayo. Waliwo ekintu kimu kyokka ky'oyinza okubikolera. Byonna bikwase Katonda, tosala musango, ebivaamu byonna n'okulamulwa okusembayo birekere Katonda.

"Toyinza kugumiikiriza babi: era wabakema abeeyita abatume, so nga si bo, era wabalaba nga balimba." ABAEFESO bano bakkiriza nti abantu ba Katonda basaanidde okuba abatukuvu. Okusinziira ku lunyiriri luno baatandika okukuuma omubiri obutazimbukusibwa kibi. Kyeragira ddala Iwatu nti okuwaba kwali kutandise. Ekibi kyali kiyingidde ekkansa. Wabula baali bawulize eri ebigambo bya Pawulo bwe yabagamba okugoba omwonoonyi abaveemu. Baali bantu baawufu. Baali bafulumye okuva mu nsi, era kati baali tebagenda kugikkiriza kubayingiramu. Baali tebasobola kubeera na kibi mu kkanisa. Obutukuvu teyali njogera bwogezi gye bali; bwe bwali obulamu.

"Wabakema abeeyita abatume, so nga si bo, era wabalaba nga balimba." Owange, ekyo nga kisongovu.

"Obakemye abo abeeyita abatume." Okwo si kwetulinkiriza? Buyinza ki abantu bwe balina okugezesha abo abeeyita abatume? Era babagezesha batya? Oh kino nga nkyagala. Kiikino wano mu Baggalati 1:8,

"Naye oba nga ffe oba malayika ava mu ggulu bw'abuulira wabula nga bwe twabuulira (kyaggwa dda), akolimirwenga."

Abatume be baaleeta Ekigambo ekyasooka eri abantu. Wadde akatonnyeze oba akasittale ku Kigamba ekyo ekyasooka kaali tekasobola kukyukako. Pawulo yamanya nti Katonda ye Yali Ayogedde naye kale n'agamba, "Ne bwe nzija ne mbawa okubikkulirwa okwokubiri, okugezaako okukyusaamu akatono mu kye nnasooka okuwa, leka nkolimirwe." Mulaba, Pawulo yamanya nti okubikkulirwa okwasooka kwali kutuufu. Katonda Tasobola kuwa kubikkulirwa kusooka ate n'Awa okubikkulirwa okwokubiri. Bw'AKIKOLA, Aba Akyusa ndowooza ye. Ayinza okuwa okubikkulirwa ate n'Akugattako, nga bwe Yakola mu Lusuku Adeni bwe Yasuubiza Ezzadde eri omukazi, ate oluvannyma n'Ategeka Ezzadde (ensigo) eryo lyalina kuyita mu Ibulayimu, ate oluvannyma n'Agamba nti lyalina kuyita mu lunyiriri Iw'omusaayi Iwe lumu mu Dawudi. Naye okubikkulirwa kwali kwe kumu. Abantu kyabongerako bwongezi kumanya okubayamba okukusembeza (okubikkulirwa) n'okukutegeera. Naye Ekigambo kya Katonda tekisobola kukyuka. Ezzadde lyajjira ddala nga bwe kyabikkulwa. Aleruuya. Era mulabe abatume abo ab'obulimba kye baali bakola. Bajja n'ekigambo ekyabwe. ABAEFESO abo baamanya Ekigambo nga Pawulo bwe yali akiyigirizza. Baali bajjudde Omwoyo Omutukuvu olw'okussibwako emikono gya Pawulo. Baatunuulira abatume abo ab'obulimba mu maaso ne babagamba, "Bye mwogera Pawulo si bye yayogera. N'olw'ekyo, muli ba bulimba." Oh, ekyo kikoleeza omuliro mu mutima gwange. Muddeeyo ku Kigambo! Ddala si ggwe ogezesha omutume, nnabbi n'omuyigiriza, EKIGAMBO KYE KIBAGEZESA. Olumu ku nnaku zino wagenda kujjawo nnabbi eri Omulembe gw'EKKANISA ya Lawodikiya era mujja kumanya oba ye ye ddala eyatumibwa okuva eri Mukama oba nedda. Ddala mujja kumanya, kubanga bw'anaaba nga wa Katonda AJJA KUBEERERA DDALA MU KIGAMBO EKYO PAWULO NGA BWE YAKIWA. TAGENDA KUWABA N'AKATONO KUVA KU KIGAMBO EKYO, KA KABE KATONNYEZE. Mu mulembe ogwo ogusembayo, omw'okulabikira abatume abangi ab'obulimba, mutunule mulabe engeri gye babagambamu nti bwe mutabakkiriza awamu n'ebyo bye bagamba, mujja kubula; naye NNABBI OYO OW'OLUNAKU OLUSEMBAYO bw'alirabika, bw'aba nga ddala ye nnabbi oyo, agenda kuba ng'ayogerera waggulu, "Muddeeyo ku Kigambo ekyo oba si ekyo mubuze." Tagenda kwezimbirawo kubikkulirwa oba okuvvuunula okukwe ku bubwe, wabula ku Kigambo. Amiina era Amiina!

Bannabbi b'obulimba bano gy'emisege egisikula Pawulo gye yayogerako. Ebikolwa 20:27-32,

"Kubanga sseekkekanga kubabuulira kuteesa kwa Katonda kwonna.

Mwekuume mmwe mwekka n'ekisibo kyonna Omwoyo Omutukuvu mwe Yabateeka okuba abalabirizi; okulundanga ekkansa ya Katonda gye yeegulira n'omusaayi Gwe Yennyini.

Nze mmayi nga bwe ndimala okuvaawo emisege emikambwe giriyingira mu mmwe, tegirisaasira kisibo;

era mu mmwe mwekka muliva abantu nga boogera ebigambo ebikyamye (ebigambo n'ebirwooza ebyabwe ku bwabwe ebitali bya Katonda) Okuwalula abayigirizwa ennyuma waabwe.

Kale mutunule, mujjukire, nga ssaalekanga kubabuulira n'amaziga buli muntu mu myaka esatu emisana n'ekiro.

Era ne kaakano mbasigira Katonda n'Ekigambo eky'ekisa Kye ekiyinza okuzimba n'okugaba obusika mu abo bona abatukuzibwa."

Yokaana naye, yabamanyaako, kubanga mu 1 Yokaana 4:1 yagamba,

"... *Bannabbi ab'obulimba bangi abaafuluma (baamala dda) mu nsi.*"

Omwoyo oyo omulabe wa Kristo yali yatandika dda okusensera mu kkanisa, era yali akikolera mu kulwanyisa (kuwakanya) Kigambo. Lwaki, byonna byatandikira wano. Wano wennyini mu mulembe ogwasooka. Baali bamaze okutandika okwegaana Ekigambo era nga batandise okweteerawo ebikwate n'ebifirosoofa ebyabwe mu kifo ky'Ekigambo. Ogwo mwoyo omulabe wa Kristo, kubanga Yesu ye Kigambo. Okuba omulabe w'Ekigambo kwe kuba omulabe wa Yesu. Okuba omulabe w'Ekigambo kwe kuba omulabe wa Kristo, kubanga Omwoyo n'Ekigambo bali OMU. Bw'oba omulabe w'Ekigambo, ojja kuba mulabe wa Kristo. ERA OBA KYATANDIKIRA MU KKANISA EYASOOKA KIJJA KUKULA OKUTUUKA KU NKOMERERO WE KIRIWAMBIRA. Era ekyo kyennyini kye mujja okulaba nga bwe tuyitaayita mu mirembe gyonna. Kitandikira ddala nga kitono mu Mulembe gwa Efeso ne kikula mu buli mulembe okutuusa enkola omulabe w'Ekigambo, omulabe wa Kristo Iw'ewamba obufuzi n'obuyinza bwonna obw'Ekigambo ne busambajjiba abatume ab'obulimba mu kkanisa ey'obulimba.

Kati kyangu nnyo okufuna ekifaananyi ekibi ku ekyo kye twogerako olw'okuba kino nkiggumiza nnyo. Kiyinza okuwulikika gye muli nga omulabe w'Ekigambo ono, omwoyo omulabe wa Kristo, nga kiringa kwe kusambajjira ddala okw'Ekigambo, okwegaanira ddala Bayibuli okutuuka ku ntikko. Nedda ssebo. Si ky'ekyo. Kweggamba kiri, Kubikkulirwa. 22:18, 19,

"Ntegeeza buli muntu awulira ebigambo eby'obunnabbi bw'ekitabo kino nti Omuntu yenna bw'ayongerangako ku byo, Katonda Alyongerako ku ye ebibonyoobonyo ebiwandiikiddwa mu kitabo kino:

era omuntu yenna bw'aggyamu mu bigambo eby'ekitabo eky'obunnabbi buno, Katonda Aliggyako omugabo gwe ku muti ogw'obulamu, ne mu kibuga ekitukuvu, ebiwandiikiddwa mu kitabo kino."

Kwe kukyusa ekigambo wadde EKIMU obumu nga kyongerwako oba nga kiggibwako. Ke kakodyo ka Setaani akaasooka mu Lusuku Adeni. Yagattako ekigambo kimu bumu ku ekyo Katonda kye Yagamba. Ekyo kyamala. Kyaleeta okufa n'okuzikirira. Era mu Efeso, kyali ekintu kye kimu. Ekigambo kimu bumu ekyagattibwako, ekigambo kimu kyokka ekyaggibwako olwo omulabe w'Ekigambo, omulabe wa Kristo n'atandika okwanya.

mukitegedde kati? Baabo awo nate abalongo. Egyo gy'emiti egoye ebiri nate, nga gikulira wamu mu ttaka lye limu, nga girya ku mmere y'emu, nga ginya ku nkuba y'emu, era nga giganyulwa okuva ku njuba y'emu. Wabula gisibuka mu nsigo za NJAWULO. Omuti ogumu guli ku LWA Kigambo kya Katonda, ddala nga Katonda bwe Yakiwa, gukyagala era gukigondera. Omuti omulala gusibuka ku nsigo eyo omulabe w'Ekigambo kya Katonda era gukikyusa wa we gwagala. Mu kifo ky'Ekigambo kya Katonda guteekawo ebikwate n'ebiyiiye byagwo ddala nga Kayini bwe yakola, eyatuuka n'okutta Abiri. Naye ekisibo ekitono temutya. Musigale n'Ekigambo. Ekigambo ekyo mukiteke wakati wammwe ne setaan. Kaawa ekyo teyakikola era yagwa. Era ekkanisa bw'esuula Ekigambo egenda mu buziba bw'enzikiza ya Setaani.

"Era olina okugumiikiriza, era waguma olw'Erinnya Lyange, so tewakoowa." Kino kumpi kye kimu n'ekyo ekyayogerwa mu lunyiriri olwokubiri. Wabula mu lunyiriri olwokubiri, emirimu okufuba n'obugumiikiriza byava mu kukuuma Ekigambo ekitukuvu ekyabakwasibwa. So nga beesamba abalabe. Nga baali kya kwenyumiriza eri Pawulo. Naye mu lunyiriri luno okuyigganyizibwa kwabwe n'okugezesewba n'obugumiikiriza biri ku Linnya Iya Yesu ery'omukisa.

Ekyo kyonna mukimanyi nga si kipy, kubanga Erinnya n'Ekigambo bye bituleetera omulabe okutuyiikira ng'amataba. Ekigambo ekyo eky'amaanyi ekyayolesebwa mu kuwonyezebwa, mu buponero, mu byamagero, n'okweyleka okulala byaleekaanya Abafalisaayo nga baagaliza abakkiriza abatuufu okufa. Era kaakati Erinnya eryo, likyayiddwa n'okunyoomebwa Abayudaayaa, abayigirze baliduulira nga baseka okulaba nti omuntu asobola okuba omusiru okukkiriza mu muntu eyafa n'azuukira era kati atudde mu ggulu. Kale baabano baali wano abannaddiini abayigganyi, Abayudaaya, nga bakolimira Yesu ono, eyali Masiya ow'obulimba mu maaso gaabwe; era abalala baali wano nga baseka n'essanyu nga bakudaala n'okukiina Erinnya erya katonda omupya, Ataali katonda n'akatono mu maaso gaabwe.

Kati ekintu ekirala kiokino ekyatandikira mu mulembe ogwo era ekijja okugendera ddala mu maaso okuyita mu mirembe, nga kyeyongera ebuziba n'okuba ekikwafu. Nti abantu bano, baali basambajja Erinnya eryo. Ekkanisa entuufu eya Efeso si ye yali ekikola. Nedda ssebo. Abatume ab'obulimba be baali bakikola. Ow'ebweru ye yali agezaako okuyingira ayonoone abakkiriza. Abaefeso baamanya Erinnya eryo era baalyagala. Mujjukire entandikwa y'ekkanisa eyo eya Efeso. Akabiina ak'abantu abaali banoonya

Masiya baawulira nti waaliwo eyeyita nti ye yali akuleembedde okujja kwa Masiya, nnabbi ono n'alabikira mu ddungu lya Palestina era yali abatiza abantu eri okwenenya ebibi. Bano, olwo, ne bafuna okubatizibwa kwa Yokaana. Naye Pawulo bwe yajja gye bali yabalaga nti nnabbi yali yafa, Yesu Oyo eyajja n'Atuukiriza obulamu Bwe nga ssaddaaka olw'ekibi, nti era KATI Omwoyo Omutukuvu yali Azze era yali wa kuyingira n'okujjuza abakkiriza abatuufu bona abagoberera Yesu, Masiya. Kino bwe baawulira, BAABATIZIBWA MU LINNYA LYA MUKAMA YESU, era Pawulo bwe yabateekako emikono, bona bajjuzibwa n'Omwoyo Omutukuvu. Baaamanya kiki kye kyali kitegeeza okugondera Ekigambo, okubatizibwa mu Linnya Lye (Yesu Kristo Mukama) era mu ngeri eyo baamanya nti baali ba kujjuzibwa n'Omwoyo Omutukuvu. Wali toyinza kukyusa bantu abo. Baamanya amazima. 19:1-7.

Baamanya amaanyi g'Erinnya eryo. Baalaba nti Erinnya eryo lyali lya maanyi n'okutuuka okuba nti engoye ezajjibwa ku mubiri gwa Pawulo ne ziweerezebwa mu Linnya lya Yesu eri abantu ababonaabona zaali zisobola okusumulula abalwadde okuva mu buli kika kya ndwadde era zigoba n'emizimu. Erinnya eryo lyeyolekera ddala mu ngeri ey'ekitalo okutuusa Abayudaaya abatasiimibwa ab'omu Efeso ne bagezaako okulikozesa okugoba emizimu. Ebikolwa 19:11-17,

"Katonda n'Akola ebyamagero ebtalabwa buli lunaku mu mikono gya Pawulo,

n'abalwadde ne baleeterwanga ebiremba n'engoye ez'oku mubiri gwe, endwadde ne zibavangako.

Naye era abantu Abayudaaya abataliiko waabwe, abagoba dayimooni, ne beetulinkiriza okwogera Erinnya lya Mukama waffe Yesu ku abo abalina dayimooni, nga bagamba nti Mbalayiza Yesu Pawulo gw'abuulira.

Awo waaliwo abaana musanvu aba Sukewa Omuyudaaya kabona omukulu, abaakola bwe batyo.

Dayimooni n'addamu n'abagamba nti Yesu mmutegeera ne Pawulo mmumanyi; naye mmwe be ani?

Omuntu eyaliko dayimooni n'ababuukira n'abasinga bona n'abayinza, n'okudduka ne badduka okuva mu nnyumba eri nga bali bwereere nga balina ebiwundi.

Ekyo ne kitegeerwa bona Abayudaaya n'Abayonaani abaatuulanga mu Efeso; entiisa n'ebakwata bona, Erinnya lya Mukama waffe Yesu ne Ligulumizibwa."

Baamanya obulamu obutuukirivu obwagobereranga okukwata Erinnya eryo, kubanga buli ayitibwa Erinnya lya Mukama, leka ave awali ekibi. Mube batukuvu mmwe abasitula ebibya bya Mukama. Tolayiriranga bwereere mu Linnya lya Mukama Katonda wo. Abaefeso bano baali BAKULISITAAYO. Baabeera n'Erinnya, era eryo ye Kristo, Oyo Eyali Omwoyo wa Katonda mu bo, era eryali ekitundu ekimu ku bitundu ebrisatu ku Mannya ga Mukama waabwe.

"Era waguma olw'Erinnya Lyange so tewakoowa." Abakkiriza bano baali tebakolera Pawulo, obo ekibiina kyonna. Baali tebeekutte ku ntegeka na bitongole omwalinga ebintu eby'omuwendo. Baakolera Mukama. Baali bawereere Be, so si misingo gya bibiina. Tebaagendanga mu kkanisa ku Iwa Sande ne boogera ku Linnya ate ne balyerabira mu nnaku endala ezsigaddeyo mu wiiki. Tebalyogerangako bwogez. Nedda ssebo. Obulamu bwabwe bwe bwaweebwangayo.

Byonna bye baakolanga, baabikolanga mu Linnya eryo. Mu Linnya eryo mwe baakoleranga, naye bwe baabanga tebasobola kukolera mu Linnya eryo, baalekangayo okukola. Bano baali Bakulisitaayo abaateekebwawo eggulu ab'empisa ezaali mu Mukama.

Naye omuzabbibu ogwo ogw'obulimba ogwayagala okwonoona Erinnya eryo gwalinga awo nga gufaanana ng'emisege egisooba mu nzikiza, egirindiridde okuyingira gitaaagule. Naye abatukuvu baagumira ekigezo ne bakooma Ekigambo n'Erinnya.

Okwemulugunya Kwa Katonda

Kubikkulirwa 2:4,

"Naye nnina ensonga ku ggwe, kubanga waleka okwagala kwo okw'olubereberye."

Kino okukitegeera oteekwa okumanya nti Omwoyo Tayogera eri batukuvu abaasooka ab'e Efeso bokka. Obubaka buno buli eri omulembe gwonna ogwamala emyaka 120. Obubaka bwagwo, n'olw'ekyo, buli eri emirembe gyonna mu bulamba. Kati ebyafaayo bigenda mu maaso nga biddamu okubeerawo. Mu mirembe gya Isiraeri tulaba okudda obuggyaa mu mulembe ogumu, ate ne tulaba nga omuliro guggweerera mu mulembe oguddako. Mu mulembe ogwokusatu ebrisiki ebinyooka biyinza okuba nga bikyamunyeenya akatonotono, naye mu ogwokuna tuyinza obutasangibwamu wadde akamulumulu k'omuliro ogwo ogwasooka. Olwo Katonda n'Alyoka Akoleeza omuliro, emitendera gye gimu ne giddamu. Ekyo kyoleka bwolesi amazima nti Katonda Talina bazzukulu. Obulokozi tebulondoola musaayi mu ngeri y'emu ng'obutume bwe butali bwa nsikirano. Tekiri mu Kigambo. Otandika na bakkiriza abatuufu abazaaliddwa omulundi ogwokubiri, omulembe oguddirira nga tebakyali wabula Abakulisitaayo abeerere, naye nga

bafunye erinnya ly'ekibiina ky'eddiini era nga kati baba Baptist, Methodist, n'amalala. Ekyo kyennyni ddala nabo kye bali. Si Bakulisitaayo. Okusobola okulokoka, olina kuzaalibwa kwagala kwa Katonda, so si kwagala kwa muntu. Naye abantu bano kaakati bonna beegatta lwa kwagala kwa muntu. Sigamba nti abamu ku bantu abo si batuufu mu maaso ga Katonda. Sinnakyogerako wadde akadakiika, wabula ggwo omuliro ogwasooka guzikidde. Tebakyali kye kimu.

Ebugumu ly'okuyaayaanira okusanyusa Katonda, amaddu g'okumanya Ekigambo Kye, okwegomba okugenda ebuziba mu Mwoyo, byonna bitandika okuyongobera era ekklesia eyo mu kifo ky'okwaka n'omuliro gwa Katonda ewoze n'efuuka mikolo. Ekyo kye kyali kigenda mu maaso eyo mu Baefeso. Baali batandise okufuuka ab'emikolo obukolo. Okwewaayo eri Katonda kwali kuggweerera era ng'abantu tebakyali, beegendereza ku kiki Katonda ky'Abalowoozaako ne batandika kufaayo ku kiki ensi kye yali ebalowoozaako. Omulembe ogwo ogwokubiri oguddako gwafaananira ddala nga Isiraeri. Baasaba bafune kabaka bafaanane ng'amawanga amalala. Ekyo bwe baakikola, baagaana Katonda. Naye kwo okukikola baakikola. Ebyo by'ebiyafaayo by'ekkanisa. Bw'erowooza ku kugendera awamu n'ensi mu kifo ky'okugendera awamu ne Katonda, tewayitawo bbanga ddene otandika okubalaba nga balekayo okukola ebintu bye baakolanga ne batandika okukola ebintu bye bataakolanga okusooka. Bakyusa ennyambala yaabwe, endowooza zaabwe n'empisa zaabwe. Baddirira. Ago ge makulu g'ekigambo "Efeso" kitegeeeza; okuleguya — okuseeyeyea ova okutwalibwa embuyaga ova amayengo.

Enkulungo eyo ey'okudda obuja n'okufa teremererwangako. Ky'olina okukola kwe kujukira omulimu gwa Katonda ogwasembayo mu Mwoyo abasajja n'abakazi bwe baayambala ng'Abakulisitaayo, ne bagenda mu kkanisa ne basaba okukeesa obudde, ne bagenda mu masanganzira era ne batakwatibwa nsonyi ku kweyleka kw'Omwoyo. Baaleka amakanisa gaabwe amakadde amafu ne basinziza awaka ova mu bizimbe eby'ebisitoowa ebikadde. Baalina ekintu ekya nnammaddala. Naye tekyatwala bbanga ggwanvu nnyo ne batandika okufuna ssente ezimala okuzimba amakanisa amapya amalungi. Bo mu kifo ky'okuyimbira Katonda baateekamu kkwaya. Kkwaya baagyambaza amaganduula. Baategekawo enkola n'eddrukanyizibwa bantu. Mangu ddala ne batandika okusoma ebitabo bye baali batasaana kusoma. Emitayimbwa baagissa wansi embuzi ne ziyingira ne ziwamba obufuzi. Okuyaayaanira essanyu kwali kugenze. Eddembe ly'Omwoyo lyali ligenze. Oh, baagenda mu maaso na bifaananyi bufaananyi; naye omuliro gwali guzikidde era kumpi ekyasigalawo kyokka ly'evvu n'enziro.

Gye buvuddeko katono nnagambye nti Yokaana yategeera amakulu g'okwagala Katonda. Omutume w'okwagala oyo ow'ekitalo yandikirabidde ddala ekklesia bwe yatandika okusuula okwagala kwa Katonda okwasooka. Mu 1 Yokaana 5:3, agamba,

"Kubanga kuno kwe kwagala kwa Katonda, ffe okukwatanga ebiragiro Bye (Ekigambo kye)."

Olkawukanako akatono kokka okuva ku Kigambo ekyo lyali ddaala lya kuva ku Kristo. Abantu bagamba nti baagala Katonda, bagenda mu kkanisa, era baleekaana ne basanyuka ne bayimba era baba n'ekiseera eky'ekitalo eky'okukyamuka. Naye byonna nga biwedde, tunula olabe ova bali mu KIGAMBO ekyo, ova bakitambuliram, ova obulamu bwabwe buli omwo. Bwe bayita mu birala byonna ne batatambulira mu Kigambo ekyo, bayinza okugamba nti baagaala Katonda naye nga obulamu bwabwe bulaga kintu kirala. Simanyi ova Yokaana ebyo bwe bityo teyabiraba nnyo nga tannafa; abantu okugamba nti baayagala Katonda naye nga tebagondera Kigambo Kye. Oh, Ekklesia ya Efeso, waliwo ekigenda mu maaso ku ggwe. Waliwo omuntu agezaako ku bibiri ova kugatta ku Kigambo ekyo ova okukitoolako. Naye bakikola mu ngeri ya bukalabakalaba n'oba nga tosobola kukiraba. Tebakoze mulimu gwa maanyi n'oba ng'osobola okukirabira mu bbanga. Kibikkiddwako, era engeri gye bakireetamu ya magezi ga buntu n'okukubaganya ebirowoozo era kijja kuwamba obuyinza okuggyako ng'okigaana. Ddayo ku Pentekoste ng'obudde tebunnaba kuyita!

Naye nga bulijjo abantu tebafaayo ku kulabula kwa Katonda. Omuliro gw'okudda obuggyga ogwo ogwazimbibwa ku Kigambo ekitukuvu gwa magero nnyo, era okweyleka kw'Omwoyo kwa mukisa nnyo, okutya okutono ne kulyoka kuyingira akaama ne kagamba mu mutima, "Tuyinza tutya okukuuma amazima gano ge tulina? Tuyinza kukola ki okulaba nti okudda obuggyga kuno kugenda mu maaso?" Awo "omwoyo omulabe wa Kristo" we gujjira ne gwogera akaama, "Mulabeeyo, mulina amazima kati, mulabe nti tegabula, mukole ekibiina mweteerewo ebikwate bye mukkiriza. Byonna mubiteeke mu kitabo ekiyigiriza ku by'ekkanisa. Era bakikola. Bakola ebibiina. Bagatta ku Kigambo. Era bafiira ddala nga Kaawa bwe yafa olw'okutwala ekigambo kimu ekikyamu. Ekigambo kya Katonda kye kireeta obulamu. Era ffe kye twogera ku Kigambo si kye kikulu, wabula ekyo Katonda kye Yagamba.

Okulabula Kwa Katonda

Okubikkulirwa 2:5,

"Kale jjukira gye wagwa, weenenye, okolenga ebikolwa eby'olubereberye; bw'otalikola bw'otyo, Ndija gy'oli, era Ndiggyawo ettabaaza yo mu kifo kyayo, bw'otalyenenyena."

Katonda Abagamba OKUJJUKIRA. Kirabikira ddala nti waliwo kye baali beerabidde. Baalina kye baali

beerabidde. Yabagamba okukyuka mu mitima gyabwe baddeyo mu kifo we baatandikira. Entandikwa y'omulembe ogwasooka yali Pentekoote. Baali bagudde nga bagivuddeko. Baali beerabidde ekitiibwa awamu n'amagero gaayo. Kale kye kyali ekiseera okuddayo mu kutegeera n'oluvannyuma ku kintu kyennyini ekya nnamaddala. Baddeyo we baagambiranga, "Nze okuba omulamu ye Kristo." Baddeyo ku bulongoofu Ananiya ne Safira bwe baakolebwako. Baddeyo ku Luggi Olulungi. Oh, nga kiswaza embuyaga okuja abantu ku Katonda ne bawagira ebikolwa ebyo

Omulembe Gw'ekkanisa Ya Efeso 79 ebyonoona Erinnya Lye. Abo abayitibwa Erinnya lya Mukama bave ku kibi bakuumme ebibya byabwe nga birongoofu olwa Katonda. Tunuulira lumu kiki kye wali mu mutima gwo, mu birowoozo byo, ne mu bulamu bwo. Olwo oddeyo ku ekyo.

Kati kkubo ki erituzzaayo? Ekkubo eryo ly'eryo ery'okwenenya. Oba ng'omwonoonyi okujja eri Katonda ng'ayita mu kkubo eryo ery'okwenenya kati oyo ow'ekibuguumirize ova eyagwa aba alina okwenenya okusingawo. Mwenenye! Mubale ebibala ebisaanidde okwenenya. Mukiragire (mukikakase) mu bulamu bwammwe. "Bwe muteenenya," Katonda Yagamba, "Nja kuggyawo ebikondo byammwe eby'ettabaaza." Ddala ddala. Ekkanisa mu mbeera eyo tesobola kwasa musana eri ensi. Omusana gwayo gufuuse kizikiza. Katonda olwo Ajja kuggyawo omubaka waayo omwesigwa n'omusumba waayo omwesigwa abaleke babeere bokka, era bajja kugenda mu maaso nga boogera ku Bukuliistaayo naye nga tebabulina n'akatono.

Mwenenye mangu! Temulwawo! Kyeragira ddala nti Efeso yagayaala, kubanga obulamu bwe tebwalwawo bbanga ggwanvu. Ekitiibwa kya Katonda kyakendeerera ku mbiro. Tekyatwala bbanga ggwanvu ekibuga ne kifuuka matongo. Yeekaalu yaakyo ey'ekitiibwa n'efuuka ntuumu butuumu. Ettaka ne lifuuka lutobazi ne musulangamu binyonyi bya mu mazzi; obungi bw'abantu ne bukendeerera ddala okuggyako abatali bakkiriza abatono abaasigala mu kyalo ekikyafu ennyo. Temwasigalamu wadde Omukulisiaayo OMU. Ettabaaza n'eggyibwa mu kifo kyayo.

Kati tekitegeeza nti bandibadde tebasobola kwenenya. Tekitegeeza nti tetusobola kwenenya. Tusobola. Naye kiteekwa okukolebwa amangu. Kuteekwa kuba kukaaba okw'amazima mu mutima eri Katonda mu nnaku, olwo Katonda ajja kuzaawula. Ekitiibwa kijja kukomawo nate.

Ensigo Y'obwanikolayiti

Kubikkulirwa 2:6,

"Naye kino ky'olina kubanga okyawa ebikolwa by'Abanikolayiti, Nange bye Nkyawa."

Waliwo endowooza bbiri ku kiki ba Nikolayiti kye baali. Abamu bagamba nti kyali kibiina ky'abantu abaali baawukanye ku mazima ekyatandikiba, Nicholas ow'e Antiyokiya, ow'amawanga, eyakyuka okugoberera enzikiriza y'Ekiyudaaya era eyali omu ku badinkoni omusanvu abaali e Yerusaalemi. Baalina embaga ez'ekikaafiiri era nga si balongoofu mu mpisa zaabwe. Baayigiriza nti okusobola okufuga obukaba omuntu ateequa kusooka kubufunamu bumanyirivu. Mu butonde beewaayo mu kwejeeguula okulinga okwo ne baweebuukira ddala. N'olw'ekyo baabayita amannya ago abiri ag'omu Ndagaano Enkadde, Balamu ne Yezeberi, agaali galaga ekifaanananyi ky'obwonoonefu obw'engeri eyo. Okuva Balamu bwe yayonoona abantu era n'abawamba, kyagambibwa nti Nikolayiti yakola ekintu kye kimu. Kirowoozebwa nti ekibiina kino kyawalirizibwa okuva mu Efeso ne kisenga mu Perugamo.

Wabula omutawaana ku ndowooza eno guli nti si ntuufu. Tewali n'akamu byafaayo bigiwagira. Kalombolombo bulombolombo. Okutwala ekifaananyi ng'ekyo kifuula omulembe gw'ekkanisa ya Efeso okubeera ebyafaayo ebyayita ebitalina ngeri yonna gye kikwataganako n'ebiriwo leero. Kino si kituufu, kubanga buli kitandika mu kkanisa eyasooka kiteekwa okweyongera mu buli mulembe okutuusa Katonda Iw'Akiwa omukisa n'Akigulumiza ova ne kizikirizibwa ng'ekintu ekyonoonefu mu nnyanja ey'omuliro. Eky'okuba nti akalombolombo kano kakontana n'Ebyawandiikibwa, laba bulabi mu Kubikkulirwa 2:2, Ekkanisa ya Efeso TEYASOBOLA KUGUMIICKIRIZA boonoonyi. Kale baalina okubafulumya, ova tekyandibaddemu makulu okugamba nti baali tebasobola kubagumiikiriza. Singa tebaabafulumya, olwo bandibadde babagumiikiriza. Kati mu lunyiriri olwomukaaga kigamba nti bakyawa ebikolwa byabwe. Kale ekibiina kino eky'Abanikolayiti, kyasigala nga kitundu ku mulembe ogwasooka, nga bakola ebikolwa byabwe. Ebikolwa byakyayibwa, naye abantu tebaggyibwako busobozi. Kye tuva tulaba ensigo mu Efeso ejja kweyongera efuuke enjigiriza enaatuukira ddala, ne mu nnyanja ey'omuliro.

Banikolayiti bano be baani? Ekigambo kiva mu bigambo bibiri eby'Oluyonaani. Nikao, ekitegeeza okuwamba, ne Laos, ekitegeeza abagoberezi. Kirabikira ddala Iwatu nti waaliwo omuntu eyali akola ekintu mu kkanisa eyo eyasooka ng'ekintu ekyo kye yali akola kyali kiwamba abagoberezi. Oba abagoberezi baali bawambibwa, olwo kiteekwa okuba nti waaliwo "obuyinza" obwali bukikola.

Kiki ekyali kigenda mu maaso mu kkanisa eyo Katonda kye Yakyawa? Ekyo ekyaliwo mu kiseera ekyo, era na kati ekikyagenda mu maaso ky'ekyo kyennyini ekigambo Nikolayiti kye kitegeeza. Abantu waaliwo engeri gye baali bafugibwamu eyali ewakanyiza ddala Ekigambo kya Katonda.

Kati okufuna amakulu gennyini agakwata ku ekyo kye tugendako, nteekwa okubalabula mujjukirenga olubeerera nti eddiini (oba ziyite ensonga ez'omwoyo), erimu ebitundu bibiri ebikwataganye naye nga bya njawulo okufaanana nga langi enjeru bw'eri enjawufu ku nzirugavu. Eddiini n'ensi ey'omwoyo byakolebwa mu miti egoye ebiri eggyalina emirandira gyagyo mu Adeni. Gyombi Omuti Ogw'Obulamu n'Omuti ogw'Okumanya Obulungi n'Obubi gyali wakati mu lusuku era tewali kubuusabuusa amatabi gaagyo gennyini gaagombagana. Mu ngeri y'emu mu kkanisa ya Efeso mwalimu ekyewuunyisa ekyo kye kimu. Ekkanisa erimu abalungi n'ababi. Emizabbibu ebiri y'ekkanisa. Gifaanana ng'enngaano ennungi n'enngaano ey'omu nsiko, ng'ekulira wamu. Naye ogumu gwa MAZIMA. Ate ogumu gwa BULIMBA. Kati Katonda Ajja kwogera eri BULI gumu era buli gumu Ajja KUGWGERAKO. Gyombi Ajja kugiyita kkanisa. Era abalonde bokka be banaamanyira ddala Omwoyo omutuufu gwe guluwa. Abalonde bokka be batija kulimbibwa. Matayo 24:24,

"Kubanga walija bakristo ab'obulimba ne bannabbi ab'obulimba, nabo balikola obubonero obukulu n'ebiyamagero; n'okukyamya n'abalonde oba nga kiyinzika."

Kale edda eyo mu kkanisa eyasooka (akaseera akampi ennyo oluvannyuma Iwa Pentekoote) omuzabbibu ogw'obulimba gwagombagana n'Omuzabbibu ogw'Amazima era we tusanga ebikolwa bino eby'Abanikolayiti. Era omwoyo ogwo gugenda kusangibwa nga gulwanyisa Omuzabbibu ogw'Amazima okutuusa Katonda Iw'Aliguzikiriza. Kati mukitegedde?

Kale. Mu kiseera kino embeera y'omwoyo ey'ekkanisa eyo yali efaanana etya? Yali evudde ku kwagala kwayo okwasooka. Okuva ku kwagala kwayo okwasooka okw'Ekigambo kya Katonda kyatubikkulirwa nti kwe kugwa okuva ku kya nnamaddala, nga eyo ye yali Pentekoote. Mu Lungereza olutegeerekeka, ekyo kitegeeza nti ekkanisa eno yali mu katyabaga ak'okuggyibwa ku bukulembeze bw'Omwoyo Omutukuvu, obufuzi obw'Omwoyo Omutukuvu. Kino kyennyini kye kyaliwo Musa ng'amaze okukulembera abaana ba Isiraeri okubafulumya mu Misiri. Entegeka ya Katonda kwali kubakulembera na kire kya muliro, obunnabbi, ebyamagero, n'obubonero awamu n'ebiyewuunyo bya Katonda. Kino kyalina kutuukirizibwa bantu "Abaalondebwa Katonda," "Abaayawulibwa Katonda" "Katonda be yayambaza eby'okulwanyisa," era "Abaatumibwa Katonda," era nga n'olusiisira Iwonna lufugibwa nkola ya Mwoyo Mutukuvu. Baajeema ne baagala olukalala Iw'amateeka n'ebikwate okutambulirako. Olwo ne baagala kabaka. Olwo ne baagala okufaanana ddala ng'ensi ne bayingirira ddala mu kuwaba n'okubula. Eyo y'engeri yennyini omulembe gw'ekkanisa eyasooka bwe gwatandika, era gwa kweyongera okwonooneka, okutuusa Omwoyo Omutukuvu Iw'Anagaanibwa era Katonda Ateekwa okuzikiriza abantu.

Laba bwe byatandika mu kkanisa eyasooka. Byayitibwa bikolwa. Olwo ne bifuuka enjigiriza. Ne bifuuka enkola. Ne bifuuka enkola etakyuka. Ku nkomerero ne biwamba Katonda n'Aggyibwawo. Oh, kyatandika nga kitono, kya kimpoowooze, nga tekikosa. Kyalabika nga kirungi nnyo. Kyalabika nga kiramu nnyo. Olwo ne kifuna we kisinziira, era nga ttimba, ne kituga ne kitta obulamu bwonna obw'omwoyo obwali mu kkanisa. Oh, omuzabbibu ogwo ogw'obulimba mukalabakalaba. Gufaanana nga malayika ow'omusana okutuusa Iwe gukunyweza. Kati njagala okugamba nti nzikiririza mu bukulembeze. Naye sikkiririza mu bukulembeze bw'abantu. Nzikiririza mu bukulembeze bwa Mwoyo Mutukuvu nga buyita mu Kigambo. Era nzikiririza nti Katonda Atadde abantu mu kkanisa, abantu Mwoyo be Yawa ebirabo; era bajja kutebenkeza ekkanisa. Ekyo nkikkiriza. Era nzikiririza nti ekkanisa efugibwa bantu Katonda b'Atuma okugirabirira. Naye obufuzi obwo NGA BUYITA MU KIGAMBO, kale abo si bantu ddala be baba bafuga naye OMWOYO WA KATONDA, kubanga Ekigambo n'Omwoyo bali OMU. Abaraebbulaniya 13:7,

"Mujjukirenga abo ababafuga abaabuulira Ekigambo kya Katonda; era nga mutunuulira enkomerero ey'empisa zaabwe, mugobererenga okukkiriza kwabwe."

Naye mulabe ebyali bigenda mu maaso emabega eyo. Omuzabbibu ogwo ogw'obulimba gwali gwerippa era gwali guyigiriza nti obufuzi bw'omuntu bwali butuufu. Gwayigiriza nti ekkanisa yali erina okufugibwa. Gwayigiriza obufuzi ku bantu, naye mu kifo ky'okukikola mu ngeri ya Katonda, batwala butwazi obuyinza ne bateeka obuyinza bwonna obw'omwoyo mu mikono gyabwe n'ekyava mu ekyo bwe bwakabona obutukuvu okuyimirira wakati wa Katonda n'abantu. Baddirayo ddala ku nkola eya Alooni ey'edda. Baafuuka balabe ba Kristo kubanga baggyawo obutabaganya Bwe ne bakakaatikawo obwabwe. Katonda ekyo Yakiyawa. Abaraefeso ekyo baakikyawa era n'omukkiriza yenna omutuufu naye ajja kukikyawa. Twandibeeredde ddala bazibe b'amaaso obutalaba kintu ekyo kyennyini nga kikola okuyita mu mirembe (ebiro) era mu kiseera kino kye kisingira ddala obubi. Kye kyali, kyali kwekolamu kibiina. Ekyo kyayawula mu bantu. Abantu ba Katonda bateekeddwa kubeara bumu. Okuyita mu Mwoyo OMU BONNA babatizibwa mu mubiri gumu era BULI OMU Omwoyo Omutukuvu Amukkako era BULI OMU yeenyigira mu kusinza Katonda. Naye abantu baayagala obukulembeze, kale beddiza obufuzi abalabirizi ne bafuuka ssaabalabirizi, era nga bakozesa ebitiibwa ebya waggulu baayita ku Kigambo kya Katonda ne basomesa enjigiriza ezaabwe ku bwabwe. Bakkirizisa abantu ne babagondera okutuusa ekiseera bwe kyatuuka engeri gye baali basinza n'eyawukanira ddala ku eyo eyaliwo mu nnaku ezaasooka okuva ku Pentekoote. Ebikolwa bino ye yali entandikwa y'ensikirano y'obutume. Okuva ku nsikirano y'obutume waaliwo omutendera gumu omugonvu era ogwa mangu okutuuka ku "bunnakibiina bw'ekkanisa" nga y'engeri y'ekisa ekirokola. Ekigambo kyasaabululwa ne kifuilibwa ekikwate. Omulabe wa Kristo ng'ayita mu mwoyo

gwe yali amaamidde ekkanisa.

Kitunuulire ennaku zino. Bw'osoma Ebikolwa 2:4 abamu engeri gye bakisomamu, oynza okukisoma bw'oti, "Awo olunaku Iwa Pentekoote bwe Iwatuukira ddala; kabona n'ajja n'omugaati ogutali muzimbulukuse n'agamba, 'Ggyayo olulimi Iwo,' n'aluteekako akagaati, naye yennyini n'anywako ku nviinyo n'agamba, 'Kati ofunye Omwoyo Omutukuvu.'" Tekikkirizika? Ky'ekyo kyennyini Obwanikolayiti kye butuuseeko. Bagamba, "Tofaayo kiki Ekigambo kya Katonda kye kigamba. Tosobola kukitegeera. Tulina okukikuvvuunulira. Ate n'ekirala Bayibuli teggwanga. Erina okukyuka n'ebiseera era tujja kubabuulira nkyukakyuka ki ezo." So ekyo nga kikontana n'Ekigambo kya Katonda ekyogera nga kiggumiza nti, "Katonda Abeerenga wa mazima naye buli muntu abeerenga mulimba" awabeera okukoonagana we wabeera n'amazima. Eggulu n'ensi biriggwaawo, naye WADDE EKIGAMBO EKIMU ekya Katonda tekiriremererwa. Kale abantu bakulemberwa abantu abegwanyiza okuba ekyo kye batali. Bagamba nti be basigire ba Kristo, wabula kye bali ye mulabe wa Kristo.

Ekintu ekirala eky'ennaku kiiokino wano. Ky'eky'okubatiza mu mazzi. Mu biseera bya Yesu n'oluvannyuma Iwa Pentekoote bannyikibwanga mu mazzi. Tewali n'omu ekyo ayinza kukiwakanya. Abantu abayigirize bagamba nti kye baakola kyali kubafukako bufusi mazzi kubanga kyali kyangu okufuna amazzi mu budibadiba mu bifo bingi. Era bwe babafukako amazzi, bakikola mu Linnya lya Kitaffe n'ery'Omwana n'ery'Omwovo Omutukuvu, nga kiringa nti ebitiibwa ebyo mannya gennyini, era nga kiringa nti waaliwo ba Katonda basatu so si Omu Yekka. Naye sigala mu kibiina ekyo ogezeeko okubuulira amazima g'okunnyika mu Linnya lya Mukama waffe Yesu Kristo bajja kukufulumya. Toyinza kukulemberwa Katonda n'osigalamu. Tekisoboka.

Kati Pawulo yali nnabbi, eyayigiriziba Omwoyo Omutukuvu. Oba Pawulo yabatiza mu Linnya lya Mukama waffe Yesu Kristo era n'agamba nti buli muntu eyakola ekyawufu ku njiriza ye yakolimirwa, kale ky'ekiseera okuzuukuka okulaba nti ekkanisa tekyafugibwa Mwoyo Mutukuvu wabula efugibwa Banikolayiti. Ebikolwa 20:27-30,

"Kubanga ssekekanga kubabuulira kuteesa kwa Katonda kwonna.

Mwekuumenga mmwe mwekka n'ekisibo kyonna Omwoyo Omutukuvu mwe Yabateeka mmwe okuba abalabirizi, okulundanga ekkanisa ya Katonda gye Yeegulira n'omusaayi Gwe Yennyini.

Nze mmanyi nga bwe ndimala okuvaawo emisege emikambwe giriyingira mu mmwe, tegirisaasira kisibo;

era mu mmwe mwekka muliva abantu nga boogera ebigambo ebikyamye okuwalula abayigirizwa ennyuma waabwe."

Pawulo yakiraba nga kijja. Naye yabalabula ku bwakabona buno obukalabakalaba obwali bugenda okuja buwambe buteekewo enjigiriza ezaabwo enkyamu. Yamanya nti baali ba kuteekawo enkola ey'okusinza eyali ey'okwawukanya abantu obutabaako kye bakola mu buweereza obw'Omwovo Omutukuvu. Era ne kaakati mu abo abeeyita ab'eddeme era abajjude Omwoyo tewaliwo nnyo ddembe mu bantu be bakulembera, era kye tulabamu kyokka be babuulizi abatono nga balina okubuulira okw'amaanyi nga kyo ekibiina kitudde awo kigezaako okubikwata. Kino kyawufu nnyo okuva ku Pawulo eyagamba nti bona bwe baakunngaananga awamu, bona baakulemberwanga Omwoyo, ne beenyigira mu kusinza okw' Omwoyo.

Era ekkanisa etakulemberwa mwoyo (ey'omubiri) eky'okuyiga kino tekiyiganga okuva mu Byawandiikibwa wadde mu byafaayo. Buli kiseera Katonda Iwakyalira abantu be mu Mwoyo Omutukuvu abantu abo bafuna eddembe, wayitawo akaseera katono ne beesibira ddala mu kintu kye kimu kye baavaamu. Luther bwe yafuluma mu Bukatoliki, abantu baabeera n'eddeme okumala akabanga. Naye bwe yafa, abantu baategeka butegesi bo kye baalwooza nti kye yakkiriza ne beeteerawo ebikwate byabwe n'endowooza ne basambajja oyo yenna eyayogera ekikontana n'ekyo kye baayogera. Baddirayo ddala mu Bukatoliki wabula mu ngeri enjawufuko akatono. Era okutuusa leero aba Luther bangi beetegefu okuddirayo ddala.

Oh, Yee! Mu Kubikkulirwa 17, omwenzi oyo ow'edda yalina abawala bangi. Bawala be bano bafaananira ddala nnyaabwe. Ekigambo bakiteeka ku mabbali, beegaana omulimu gw'Omwoyo Omutukuvu owa Katonda, bafugira abantu mu mateeka, era ne bakifula ekitasoboka abantu aba bulijo okusinza Katonda okuggyako nga bayita mu bo oba mu nkola zaabwe, ezitali kintu kirala okuggyako pulaani y'obutakkiriza eviira ddala ewa setaani yennyini.

Ddala ddala, tuli ludda wa mu by'omwoyo? Tuli mu ddungu ery'ekizikiza. Nga tuwabye nnyo okuva ku kkanisa eyasooka. Pentekoote tekyalabikirako ddala era n'Ekigambo tekikyasoboka kusangibwa. Ensikirano y'obutume, ebunye ennaku zino, tesangibwa mu Kigambo. Ky'ekintu ekyagunjibwawo abantu. Mu bukyamu essukkulomye amazima agali nti KATONDA y'Ateekawo abakulembeze Be mu kkanisa SO SI BANTU. Peetero tabeerangako na mu Rooma. So nga bo balimba ne bagamba nti yaliyo. Ebyafaayo

bikakasa nti tabeerangayo. Waliwo abantu abasoma ebyafaayo, naye ne bakuba obubegabega ne baddayo okukkiriza obulimba. Wa mu Kigambo w'osanga "omusigire wa Kristo"? Tewali n'omu awala kifo Kye, ate nga kikoleddwa n'abantu ne bakikkiriza. Osanga wa "okubikkulirwa okugatteko" Katonda w'Akukkiriza, naddala okubikkulirwa okukontana n'okwo okumaze okuweebwa? Ate nga bakukkiriza era ne bakwesigamako. "Puligaatooli" ogisanga wa? "Mmisa" ogisanga wa? Wa w'osanga "okusasula ssente okusobola okuva mu ggeyeena"? Tekiri mu Kigambo naye abantu baakiwandika mu kitabo kyabwe era ne bakikozesa okufuga abantu, nga babafugira mu kutya. Wa w'osanga nti "omuntu alina obuyinza okutusonyiwa ng'alinga Katonda"? Okabayita "Emisege egisikula" tekimala kubannyonyolako. Bwanikolayiti. Nkola ya kibiina. Muntu y'afuga omuntu.

Muddeeyo eri Katonda. Mwenenye ng'obudde tebunnaba kuyita. Mulabe omukono guwandiika ku kisenge. Guwandiika kulamulwa. Ng'ebibya ebitukuvu bwe byayonoonebwa ekyo ne kivaamu obusungu bwa Katonda, kati Ekigambo kya Katonda ekitukuvu kyonooneddwu n'Omwovo n'Asunguwazibwa, era omusango guli wano ku luggi. Mwenenye! Mwenenye! Muddeeyo ku Pentekoote. Muddeeyo ku bukulembeze bw'Omwovo Omutukuvu. Muddeeyo ku Kigambo kya Katonda, kubanga mufiira ki?

Eddoboozi Ery'omwoyo

Okubikkulirwa 2:7,

"Alina okutu, awulire Omwoyo ky'Agamba ekkanisa; Awangula ndimuwa okulya ku muti ogw'obulamu oguli wakati mu lusuku lwa Katonda."

"Alina okutu awulire Omwoyo ky'Agamba ekkanisa." Kisoboka okuba nti obukadde bw'abantu bujja kuwulira ebigambo bino oba okubisoma. Naye bameka abanaabiteekako omwoyo? Ekyo tetukimanyi. Naye oyo anaatega okutu kwe n'ayagala okumanya ebigambo eby'amazima ajja kusanga nga Omwoyo wa Katonda Amutangaaza. Okutu kwo bwe kuba nga kuggule eri Ekigambo, Omwoyo wa Katonda Ajja kufuula Ekigambo kya Katonda okuba ekya nnamaddala gy'oli. Kati ogwo mulimu gwa Mwoyo Mutukuvu. Nsobola okukusomesa amazima naye bw'otaggula kutu kwo kugawulira n'omutima gwo okugafuna, tojja kufuna kubikkulirwa.

Kati weetegereze, kigamba nti Omwoyo Ayogera eri amakanisa. Amakanisa mangi so si emu. Omwoyo kino teyakiwandiisa Yokaana eri kkanisa ey'omu kitundu ky'e Efeso yokka, era si eri omulembe ogwasooka gwokka. Naye eri emirembe gyonna egy'ekkanisa. Naye eno y'ekkanisa ey'entandikwa. Kale n'olw'ekyo kifanaanana ng'Ekitabo ky'Olubereberye. Ekyatandikira mu Lubereberye kisigala nga kituufu okuyita mu Kigambo kyonna era ku nkomerero ne kiggweerako mu Kubikkulirwa. Bwe kityo, ekkanisa eno etandikira mu Bikolwa ye pulaani ya Katonda eri emirembe gyonna okutuuka Iw'eggweerako mu mulembe gwa Lawodikiya. Kitunuulire n'obwegendereza. Buli mulembe gusseeyo omwoyo, kubanga ekyo ekigenda mu maaso wano ntandikwa butandikwa. Akati ako akaasimbibwa kagenda kukula. Kagenda

Omulembe Gw'ekkanisa Ya Efeso86 kukulira mu mirembe (ebiro). Kale, buno bwe bubaka obwa buli Mukulisitaayo okuyita mu buli mulembe okutuusa okujja kwa Yesu. Ddala, bwe kiri, kubanga Omwoyo y'Ayogera. Amiina.

Ekirabo Ekyasuubizibwa

Okubikkulirwa 2:7,

"Alina okutu awulire Omwoyo ky'Agamba ekkanisa. Awangula Ndimuwa okulya ku muti ogw'obulamu, oguli wakati mu lusuku lwa Katonda."

Kino ky'ekirabo ky'omu maaso eri abo bona abawanguzi ab'omu mirembe gyonna. Okukoowoola okusembayo okujja mu lutalo nga kuwedde, ng'ebi'okulwanyisa byaffe biteekeddwa wansi, olwo tuliwummulira mu lusuku lwa Katonda era omugabo gwaffe gulibeera Omuti Ogw'Obulamu, emirembe gyonna.

"Omuti Ogw'Obulamu." Eyo si njogera nnungi? Gwogerwako emirundi esatu mu Kitabo ky'Olubereberye era emirundi esatu mu Kitabo ky'Okubikkulirwa. Mu bifio byonna omukaaga muti gwe gumu era gulagira ddala ekintu kye kimu.

Naye Omuti ogw'Obulamu kye ki? Kale, okusookera ddala tulina okumanya omuti gulaga ki. Mu Kubala 24:6, nga Balamu bwe yayogera ku Isiraeri, yagamba, "ng'emiti egy'omugavu Mukama gye Yasimba." Emiti mu Byawandiikibwa byonna giraga bantu, nga mu Zabbuli 1. N'olw'ekyo Omuti Ogw'Obulamu guteekwa kuba Omuntu w'Obulamu, era Oyo ye Yesu.

Kati mu lusuku Adeni mwalimu emitii ebiri nga giyimiridde wakati mu lwo. Ogumu gwali muti Ogw'Obulamu, omulala gwali Omuti ogw'Okumanya Obulungi n'Obubi. Omuntu yali wa kuba mulamu lwa Muti Ogw'Obulamu; naye yali tateekwa kukwata ku muti guli omulala nga bw'akikola yali wa kufa. Naye omuntu yalya ku muti guli omulala, era bwe yakikola, okufa kwamuyingira nga kuyita mu kibi kye, era

n'ayawukanyizibwa ku Katonda.

Kati Omuti ogwo eyo mu Adeni, Omuti ogwo ogwali ensibuko y'obulamu, Yali Yesu. Mu Yokaana, essuula 6 okutuuka ku 8 Yesu Yeeraga bulambalamba nga y'ensibuko y'obulamu obutaggwaawo. Yeeyita Emmere eva mu ggulu. Yayogera ku kugaba obulamu Bwe nti era omuntu bw'amulyako talifa. Yalangirira nti Yamanya Ibulayimu, era nti nga Ibulayimu tannabaawo, Ye YALIWO. Yalanga nti Ye Yennyini Yali wa kubawa amazzi amalamu nti ng'omuntu bw'aganywa teyali wa kulumwa nnyonta nate, naye yali wa kuba n'obulamu obutaggwaawo. Yeeraga nga NDI OW'EKITALO. Ye y'EMMERE Ey'Obulamu, Luzzi Olw'Obulamu, Oyo Ataggwaawo, OMUTI OGW'OBULAMU. Yaliyo eyo mu Adeni wakati mu lusuku era nga bw'Alibeera wakati mu lusuku Iwa Katonda.

Abamu balowooza nti emit i ego ebiri wakati mu lusuku gyali miti buti emirala ebiri okufaanana ng'emit i emirala ku ego Katonda gye Yali Ataddeyo. Naye abayizi abeegendereza bamanyi nti kino si bwe kiri. Yokaana Omubatiza bwe yayogerera waggulu nti embazzi eteekeddwa ku bikolo by'emit i gyonna, yali tayogera ku miti buti egirabika, wabula yali ayogera ku bintu eby'omwoyo. Kati mu I Yokaana 5:11 kyawandiikibwa,

"Era OKUTEGEZA kwe kuno nti Katonda Yatuwa obulamu obutaggwaawo, era obulamu obwo buli mu Mwana We."

Yesu Yagamba mu Yokaana 5:40

"Era temwagala kujja gye Ndi okubeera n'obulamu."

N'olw'ekyo obuwandiike, Ekigambo kya Katonda, kyogerera ddala Iwatu era awatali kubuusabuusa nti OBULAMU, OBULAMU OBUTAGGWAAWO buli mu Mwana. Si mu kifo kirala kyonna. I Yokaana 5:12,

"Alina Omwana alina OBULAMU; atalina Mwana wa Katonda TALINA Bulamu."

Kati obuwandiike okuva Iwe butayinza kukyuka, tebuyinza kutoolwako oka kugattibwako, olwo obuwandiike buli nti OBULAMU BULI MU MWANA. Kino okuva bwe kiri bwe kityo, OMUTI OGULI MU LUSUKU GULINA KUBA YESU.

Kale. Oba ng'Omuni Ogw'Obulamu muntu, n'Omuni Ogw'Okumanya Obulungi n'Obubi NAGWO muntu. Teguyinza kuba kintu kirala. Kale Omunuukirivu Oyo n'Omubi oyo baaliraanagana eyo wakati mu Lusuku Iwa Adeni. Ezekyeri. 28:13a

"Wali (setaani) mu Adeni, olusuku Iwa Katonda."

Wano we tufunira okubikkulirwa okutuufu "okw'ezzadde ly'Omusota". Wano kino ddala kye kyaliwo mu Lusuku Adeni. Ekigambo kigamba nti Kaawa yasendebwasendebwa omusota. Ddala omusota gwamulimalimba. Mu Olubereberye 3:1 kigamba,

"N'omusota gwali mukalabakalaba okusinga ensolo zonna ez'omu nsiko, ze Yakola Mukama Katonda."

Ekisolo kino kyali kifaanana nnyo omuntu (so nga kyali nsolo yennyini) ekyali kisobola okukubaganya ebirowoozo era nga kyogera. Kyali kitonde ekyatambilanga nga kyesimbye era nga kiri awo wakati w'ezzike n'omuntu, naye ng'okusinga kifaanana nnyo omuntu. Kyali kyekuusa nnyo ku muntu ng'ensigo yaakyo esobola, era yeetabula n'ey'omukazi n'emufunyisa olubuto. Kino bwe kyabeerawo, Katonda n'Akolimira omusota. N'Akyusa na buli ggumba eryali mu mubiri gwagwo okutuusa bwe gwewalulira ku lubuto nga kati bwe tugumanyi. Ssaayansi ne bw'agezaako atya, naye tayinza kuzuula kintu ekkyo ekibulawo. Ekyo Katonda y'Akimanyi. Omuntu mugazi nnyo, era asobola okulaba enkwatagana y'omuntu n'ensolo era n'agezaako kukakasaawo endowooza nti omuntu yajja mpolampola ng'ava mu kwebbulula kwa nsolo. Tewali kwebbulula kwonna kwalivo. Naye omuntu n'ensolo beetabula (baatabagana). Ekyo kye kimu ku byama bya Katonda eby'edda ekikweke, naye wano, kibikkuliddwa. Kyaliwo mabega eri wakati mu lusuku Adeni Kaawa bwe yava ku bulamu n'akkiriza Okufa.

Laba Katonda kye Yabagamba mu lusuku. Olubereberye 3:15,

"Nange obulabe Nnaabuteekanga wakati wo n'omukazi, era wakati w'ezzadde lyo n'ezzadde ly'omukazi, lirikubetenta omutwe, naawe oliribetenta ekisinziro."

Oba tukkiriza Ekigambo nga bwe kigamba nti omukazi yalina ezzadde, mazima ddala n'omusota nagwo guteekwa okuba nga gwalina ezzadde. Bwe kiba nti ezzadde ly'omukazi yali mwana mulenzi ataali muntu buntu, n'ezzadde ly'omusota nalyo, liteekwa okubeera mu ngeri y'emu nti nalyo lya mwana wa bulenzi azaalibwa nga awatali kweyambisa ngeri ya musajja eyatondebwa nga muntu wa mubiri. Tewali muyizi atamanyi nti ezzadde ly'omukazi yali Kristo Eyajja ng'Ayita mu nkola ya Katonda, etaalimu kutabagana kwa mukazi na musajja. Kimanyiddwa bulungi nti okubetenta Setaani omutwe okwasuubizibwa, bwali bunnabbi nga bukwata ku ebyo Kristo bye Yali Agenda okutuukiriza mu latalo Lwe ne Setaani ku musaalaba. Eyo ku musaalaba, Kristo Yali wa kubetenta omutwe gwa Setaani ng'eno Setaani

bw'abetenta ekisinziiro kya Mukama.

Akatundu kano mu Byawandiikibwa ke katubikkulira mu bulambalamba engeri ezzadde ly'omusota gye lyasigibwa mu nsi, era nga bwe tulina ebiwandiiko byennyini mu Lukka 1:26-35, wano batutegeereza ddala ezzadde oba ensigo y'omukazi bwe yayolekebwa mu mubiri awatali kuyita mu butonde bwa muntu.

"Awo mu mwezi ogw'omukaaga malayika Gabulyeri n'atumibwa Katonda mu kibuga eky'e Ggaliraaya erinnya lyakyo Nazaaleesi,

eri omuwala atamanyi musajja eyali ayogerezebwa omusajja erinnya lye Yusufu ow'omu nnyumba ya Daudi; n'erinnya ly'omuwala Malyamu.

Awo malayika n'ayingira omumwe, n'agamba nti mirembe ggwe aweereddwa ennyo ekisa, Mukama Ali naawe. Waweebwa omukisa mu bakazi bona.

Naye ye ne yeeraliikirira ekigambo ekyo, n'alowooza okulamusa okwo bwe kuli.

Awo malayika n'agamba nti Totya, Malyamu; kubanga olabye ekisa eri Katonda.

Era, laba, oliba olubuto, olizaala Omwana ow'obulenzi, olimutuumma Erinnya Lye YESU.

Oyo Aliba mukulu, Aliyitibwa Mwana w'Oyo Ali Waggulu Ennyo. Era Mukama Katonda Alimuwa entebe ya Daudi jjajjaawe.

Era Anaafuganga ennyumba ya Yakobo emirembe n'emirembe so obwakabaka bwe tebuliggwaawo.

Awo Malyamu n'agamba Malayika nti kiriba kitya ekyo, kubanga simanyi musajja.

Ne malayika n'addamu n'amugamba nti Omwoyo Omutukuvu Alikujjira, n'amaanyi g'Oyo Ali Waggulu Ennyo galikusiikiriza; era ekyo ekirizaalibwa kye kiriva kiyitibwa ekitukuvu, Omwana wa Katonda."

Ng'ezzadde ly'omukazi bwe lyali Katonda nga Yeezaalira ddala mu mubiri gw'omuntu, bwe kityo n'ezzadde ly'omusota y'engeri yennyini Setaani gye yalaba ng'ayinza okukozesa okuyingira mu lubu lw'abantu. Kyali tekisoboka Setaani (kubanga ye mwoyo bwoyo OGWATONDEBWA) okwezaalira mu bantu nga Katonda bwe Yakola, ebiri mu Lubereberye bitutegeeza engeri gye yaddiria ezzadde lye n'alireeta oba mu ngeri endala n'aliyingiza mu lubu lw'abantu. Jjukira nti Setaani ayitibwa 'omusota'. Kati ezzadde lye lye Yasiga mu lubu lw'abantu lye twogerako.

Adamu nga tannatabagana na Kaawa, omusota gwali gumaze okutabagana naye. Era oyo eyazaalibwa gwo, yali Kayini. Kanyini yali (yazaalibwa) w'oyo "Omubi". 1 Yokaana 3:12. Omwoyo Omutukuvu mu Yokaana Teyayinza mu kifo n'ekimu okuyita Adamu "Omubi" (kubanga bw'aba nga ye kitaawe wa Kayini, ekyo kye yaalibadde) ate mu kifo ekirala n'Ayita Adamu "Omwana wa Katonda" ekyo kye yali okusinziira ku butonde. Lukka 3:38. Kayini empisa ze zeeyolekera ddala ng'eza kitaawe, oyo aleeta okufa era omutemu. Engeri gye yanyoomoola Katonda ng'asisinkaniddwa Oyo Omuyinza wa Byonna mu Olubereberye 4:5, 9, 13, 14, emwolekera ddala ng'omuntu ataalina mpisa za buntu, era ng'alabikira ddala nti yayitirira ku ebyo byonna bye twali tusomyeko mu Byawandiikibwa, ebikwata ku ngeri setaani gye yaddangamu nga Katonda Amubuuza akana n'akataano.

"Naye Kayini ne ky'awaddeyo, Teyamukkiriza. Kayini n'asunguwala amaaso ge ne goonooneka.

Mukama n'Agamba Kayini nti aluwa Abiri muganda wo? N'ayogera nti simanyi: nze mukuumi wa muganda wange?

Kayini n'agamba Mukama nti Okubonerezebwa kwange tekuyinzika kugumiikirizibwa.

Laba ongobye leero mu maaso g'ensi; era mu maaso Go mwe nneekwekanga; era nnaabanga mmomboze era omutambuze mu nsi; awo olulituuka buli alindaba, alinzita."

Weekenneenyenye engeri yennyini okutegeeza kwa Katonda bwe kuttottola okuzaalibwa kwa Kayini, ne Abiri ne Seezi. Olubereberye 4:1,

"Adamu n'amanya Kaawa mukazi we; n'abeera olubuto, n'azaala Kayini, n'ayogera, nti mpeereddwa omusajja okuva eri Mukama. Era n'azaala muganda we Abiri."

Olubereberye 4:25,

"Adamu n'amanya mukaze we; n'azaala omwana w'obulenzi n'amutuumma erinnya lye Seezi..."

Waliwo abaana ab'obulenzi BASATU abaazaalibwa okuva mu kwegatta Adamu kwe yakola emirundi EBIRI. Bayibuli okuva lw'eri Ekigambo kya Katonda eky'amazima ekituukiridde, eno si nsobi wabula kutegeeza okulina ekigendererwa eky'okutumulisa. Okuva abaana ab'obulenzi ABASATU bwe baazaalibwa nga bayita mu kwegatta okw'emirundi EBIRI Adamu gye yakola, okimanya awatali KWEBUUZA nti omu ku

BASATU teyali mwana wa Adamu. Katonda kino Yakinoleka mu ngeri eno yennyini ng'Alina eky'okutulaga. Amazima gali nti Kaawa yalina olubuto olwalimu abaana ab'obulenzi BABIRI (balongo) nga buli omu ku bo, yateekebwamu ku mulundi gwa NJAWULO. Yali lubuto lwa balongo nga naye okufuna olubuto olwavaamu Kayini kwe kwali kusoose okwo okwavaamu Abiri. Laba ABALONGO abo nate. Ekifaananyi kyennyini nga bulijjo. Eri abo abalowooza nti kino tekisoboka, obuwandiike bw'omu malwaliro bujjudde obujulizi bw'abakazi ababeera embuto ez'abalongo nga zikutte amagi ag'enjawulo era ng'okukwata okwo kwaliwo ku nnaku za njawulo era nga n'amagi ago tegaakulira kumu, SI EKYO KYOKKA, naye ate obuwandiike obulala butulaga nti oluusi n'abazadde abasajja ba nnanyini balongo abo baba ba njawulo. Gye buvuddeko waliwo omukazi omuzadde ng'asibuka mu ggwanga lya Norway eyayogerwako mu nsi yonna eyali awawaabira bba omusango nga ky'anoonya kwe kuyambibwa ye n'abalongo be nga omu yali muzungu ate ng'omulala yali muddugavu. Teyakyegaana nti yalina muganzi we omuniigulo (maleeto). Yafuna olubuto omulundi ogwasooka, n'ayisaawo sabbiiti ssatu ate n'afuna olulala. Mu Beaumont, eky'omu Texas, mu mwaka 1963, obuwandiike nate bututegeeza nti eriyo abaana abasatu abaazaalibwa era nabo nnyaabwe buli lubuto yalufuna ku lunaku lwa njawulo. Kino kyayisa bubi omukazi oyo eyali agenda okufa ng'azaala omu ku baana abo.

Lwaki kino kyalina okubeera bwe kityo? Lwaki kyali nti ezzadde ly'omusota lyalina kujja bwe lit? Omuntu yatonderwa Katonda. Omuntu yali wa kubeera yeekaalu ya Katonda. Ekifo kya Katonda eky'okuwummuliram (Omwoyo Omutukuvu) yali muntu, ye yeekaalu. Ebikolwa 7:46-51,

"Eyasiimibwa mu maaso ga Katonda wa Yakobo.

Naye Sulemaani n'amuzimbira ennyumba.

Naye Ali waggulu ennyo Tatuuula mu nnyumba ezaakolebwa n'emikono; nga nnabbi bwe yayogera nti;

Eggulu y'entebe yange era ensi y'entebe y'ebigere Byange: nnyumba ki gye mulinzimbira?

Omukono Gwange si ge gwabikola ebyo byonna?

Mmwe abalina ensingo enkakanyavu, abataakomolebwa mu mitima ne mu matu, mmwe muziyiza bulijo Omwoyo Omutukuvu; nga bajjajja mmwe, nammwe bwe mutyo."

Kino Setaani obwedda abadde akimanyi. Naye ayagala kubeera mu muntu nga Katonda bw'Abeera mu muntu. Naye Katonda eddembe lino Yalyesigaliza. Ekyo setaani tasobola kukikola. Katonda yekka ye yayambala omubiri. Setaani ekyo teyakisobola era takisobola. Talina maanyi gatonda. Engeri yokka setaani gye yali ayinza okutuukiriza kye yali ayagala kwe kuyingira mu musota ogwali mu Adeni mu ngeri y'emu nga bwe yayingira mu mbizzi ezaali e Gadara. Katonda Tayingira mu nsolo; naye Setaani ye ayinza era ajja kukikola asobole okutuukiriza ebigendererwa bye. Yali tasobola kufuna mwana butereevu nga Ye Katonda bwe Yakikola eri Malyamu, kale yayingira mu musota oluvannyuma n'alimbalimba Kaawa. Gwasendasenda Kaawa era bw'aty Setaani n'azaalirwa omwana okuyita mu Kaawa. Kayini mu bulamba yalina empisa za Setaani ez'omwoyo era n'empisa ey'ekisolosolo ey'omusota (ey'obutamala kufumiitiriza na kwekenneanya bintu era ey'omubiri yennyini). Eyo y'ensonga Iwaki n'Omwoyo Yennyini Yatutegeeeza nti Kayini yali wa mubi. Ddala yali.

Kaakati njagala nngendeko mu bimu ku bikakasa nti waliwo okufaanana wakati w'abantu n'ensolo. Kino kyo kintu kya nnaddala. Okimanyi nti oyinza okuddira obuveke obukola omubiri obw'eggi erivaamu omwana (embryo cells) obw'ekitonde nga kikyali mu lubuto (ekitannazaalibwa) n'obuteeka mu muntu? Olwo obuveke obwo obukola ekikukufa bujja kugendera ddala awali ekikukufa n'obuveke obw'ensigo bugendere ddala butereevu awali ensigo y'omuntu. Kino okiraba nga bwe kyewuunyisa? Waliwo okutegeera okw'enjawulo okulagirira obuveke obwo obusirikitu okugendera ddala mu kifo ekituufu. Okutegeera okwo, kufuna obuveke obwo obusirikitu era bwe kutyo ne kubuleeta mu kifo kyennyini ekituufu. Waliwo enfaanana wakati w'abantu n'ensolo. Tezisobola kwegatta ne zizaala. Ekyo kyagezebwako. Naye emabega eri mu Adeni, zeegatta, era enfaanana eri enneekusifu ekyaliwo, ekikakasa. Kubanga emabega eri mu Adeni omusota gwali ekitonde ekyali kitambula nga kyesimbye. Kyali kyefaananyirizaako omuntu. Era omusota ogwo kumpi gwali muntu. Setaani yeeyambisa enfaanana y'okungulu ey'omusota n'agikozesa okusendasenda Kaawa. Olwo Katonda n'Azikiriza enkula omusota gye gwali gufaananamu. Tewali nsolo ndala yonna esobola kutabika zadde lyayo na muntu. Naye olwo oluganda (okwekuusaako) we luli.

Nga bwe tutuuse wano we tuli kati, ka ngezeeko okuggumiza endowooza ku kintu kino olyoke olabe omugaso gw'okugenda mu ky'okuyiga ekiyitibwa "ezzadde ly'omusota" nga bwe nkoze. Tutandikira ku mazima nti yaliyo emit EBIRI wakati mu lusuku. Omuti ogw'obulamu Yali Yesu. Omuti guli omulala awatali kubuusabuusa ye Setaani olw'ekibala ekyava mu muti ogwo. Kati olwo, tumanyi nti emit egyo ebiri girina engeri gye gyali gyekusaako ku bulamu bw'omuntu oba si ekyo tegyanditeereddwayo. Giteekwa okuba nti gyalina ekifo mu ntegeka ya Katonda ey'oku ntikko n'ekigendererwa Kye wakati waagyo n'omuntu ne Katonda Yennyini oba si ekyo Katonda tetwandimututte ng'Amanyi Byonna. Wano bino byonna bituufu, si

bwe kiri? Ekigambo kitulagira ddala Iwatu nti ng'ensi TENNABA AWO ekigendererwa kya Katonda kwali kugabana n'omuntu obulamu obutaggwaawo. Abaefeso 1:4- 11,

"Nga bwe Yatulondera mu Ye ng'ensi tennaba kutondebwa, ffe okubeera abatukuvu abatalina kabi mu maaso Ge mu kwagala. Bwe Yatwawula edda okumufuukira abaana ku bwa Yesu Kristo, nga bwe Yasiima olw'okwagala Kwe.

Ekitiibwa ky'ekisa Kye kiryo kitenderezebwenga, kye Yatuwa obuwa mu Oyo omwagalwa.

Eyatweesa okununulibwa kwaffe olw'omusaayi Gwe, okusonyiyibwa ebyonoono byaffe, ng'obugagga obw'ekisa Kye bwe buli.

Kye Yasukkiriza gye tuli mu magezi gonna n'okutegeera kwonna.

Bwe Yatutegeeza ekyama eky'okwagala Kwe, nga bwe Yasiima Yekka, nga bwe Yamalirira edda mu Ye,

olw'obuwanika obw'omu biro ebitukuvu, okugattira awamu byonna mu Kristo.

Mu Oyo naffe, mwe twafuukira obusika, bwe twayawulibwa edda mu kumalirira kw'Oyo Akola byonna nga bw'Ayagala mu kuteesa Kwe."

Okubikkulirwa 13:8,

"Era bona abatuula mu nsi balimusinza (Setaani), buli atawandiikiddwa linnya mu Kitabo eky'Obulamu eky'Omwana gw'Endiga Eyattibwa okuva ku kutondebwa kw'ensi." Naye Obulamu obwo bwali tebuyinza, era tebwandiyinzizza kugabaniwako mu ngeri ndala yonna okuggyako eyo eya "Katonda okwambala omubiri."

Kino kyali kitundu ku kigendererwa Kye ekitaggwaawo ekyategekebwa. Entegeka eno yali ya kutenderezesa ekitiibwa ky'ekisa Kye. Ye yali entegeka ey'Obununu. Ye yali entegeka ey'Obulokozi. Kati muwulirize nnyo. "Katonda nga bw'Ali Omulokozi, kyali kyetaagisa Yeetegekerewo omuntu eyeetaaga obulokozi, Abe (Ye Katonda) ng'Alina ensonga n'ekigendererwa mu kuberawo." Obutuufu bw'ekyo, buli kikumi ku kikumi era kisangibwa mu nkumulitu z'Ebyawandiikibwa ng'ekimu ku byo, Baruumi. 11:36.

"Kubanga BYONNA biva gy'Ali, era biyita gy'Ali, era bituuka gy'Ali. EKITIIBWA kibeerenga gy'Ali emirembe gyonna. Amiina."

Omuntu yali tasobola kwesowolayo mu bulambalamba kulya ku muti ogwo ogw'obulamu wakati mu lusuku. Obulamu obwo Obutaggwaawo obw'Omuni bw'alina okusooka okufuuka omubiri. Naye Katonda nga Tannasituka kulokola mwonoonyi, Yalina okubeera n'omwonoonyi eyali amwetaagisa okuyimuka era Amulokole. Omuntu Yalina okugwa. Okugwa okwali kugenda okuleetebwa Setaani, kwali kuteekwa okuba n'omubiri kusobole okuleeta okugwa. Setaani yalina okuyita mu mubiri. Naye setaani yali tayinza kujja ng'ayita mu mubiri gwa muntu okuleeta okugwa nga Kristo bwe Yali Agenda okujja mu mubiri gw'omuntu azaawule abaagwa. Naye waaliwo ensolo, omusota, ogwali gufaanana ennyo omuntu nga setaani asobola n'okugenda eri ensolo eyo era ng'ayita mu yo yali asobola okutuukirira omubiri gw'omuntu aleete okugwa, era yeeyingize mu lubu lw'omuntu, okufaanana nga Yesu lumu bwe Yali Ow'okujja Yeetekee mu lubu lw'omuntu, mu mibiri gy'Abantu, Atuuke n'okuzuukira mwe tulibeerera n'emibiru ng'ogugwe ogw'ekitiibwa. Kale Katonda kye Yakola wano mu lusuku, yali ntegeka Ye gye Yali Yeerondedde okuva edda. Setaani bwe yamala okuleetawo ekkyo ekyali kyetaagisa mu bigendererwa bya Katonda, olwo omuntu yali tasobola kutuukirira Omuni ogw'Obulamu mu lusuku. Yali tasobola. Ekiseera kyali tekinnaba. Naye ensolo (ensolo yali ereese okugwa, si bwe kiri? leka omusaayi gw'ensolo guyiike) yatwalibwa, omusaayi gwayo ne guyiibwa; Katonda olwo n'Addamu okukolagana n'omuntu nate. Olwo waali walina okujjavo olunaku Katonda Alabikire mu mubiri, era ng'Ayita mu kwetoowaza Kwe azaawule omuntu eyagwa Amufuule agabana ku bulamu obutaggwaawo. Kino bw'okiraba, osobola okutegeera ezzadde ly'omusota era n'omanya nti Kaawa teyalya kibala kinogebwa ku muti. Nedda, kwali kuweebuuka kwa lubu lw'abantu nga batabulabula ensigo.

Kati mmmanyi bwe mmala okuddamu ekibuuzo ekimu, ekirala kisuubirwa okujja era abantu bambuuza, "Oba Kaawa yagwa mu ngeri eyo, Adamu yakola ki kubanga okunenyezebwaa Katonda Yakuteeka ku Adamu?" Ekyo kyangu. Ekigambo kya Katonda okuva edda n'edda, mu ggulu kyakakasibwa era nga tekisagaasagana. Ng'akaweke akamu ak'enfuufu ku mmunyeenye tekannakolebwa, Ekigambo ekkyo (etteeka lya Katonda) kyaliwo MU NGERI Y'EMU DDALA NGA BWE KIRI MU BAYIBULI YAFFE. Ekigambo kitutegeezza nti omukazi bw'alekanga bba n'agenda n'omusajja omulala, aba mwenzi era aba takyali mufumbo era bba aba takyamweddiza. Ekigambo ekkyo kyali kituufu mu Adeni nga bwe kyali ekituufu nga Musa akiwandiika mu mateeka. Ekigambo tekiyinza kukyuka. Adamu yamweddiza. Yamanyira ddala kiki kye yali akola naye kwo okukikola n'akikola. Kaawa yali kitundu ku ye, era bw'atyo Adamu yali mwetegefu okwetikka obuvunaanyizibwa bwa Kaawa. Adamu teyaleka Kaawa kugenda. Kaawa bw'atyo n'aba olubuto lwa Adamu. Adamu yamanya nti Kaawa yali wa kulufuna. Yamanyira ddala ekkyo kigenda okubeera mu

Ibubu Iw'abantu, n'atunda olubu olwo mu kibi asobole okwefunira Kaawa, kubanga yamwagala.

Kale abaana abo ababiri ab'obulenzi ne bazaalibwa. Abaana ab'obulenzi abaali bagenda okubeera abazadde b'olubu Iw'abantu luno olwonoonese. Kati obuwandiike buboogerako ki? Soma obuwandiike. Yuda 14,

"Era abo yabalagulako Enoka, ow'omusanvu okuva ku Adamu..."

Olubereberye 5 y'essuula y'olulyo Iwa Enoka. Era bw'eti bw'eyogera ku lulyo, I.

Adamu, 2. Seezi, 3. Enosi, 4. Kenani, 5. Makalaleri, 6. Yaledi, 7 Enoka.

Weetegereze nti Kayini tayogerwako. Olulyo Iwa Adamu, luyitira mu Seezi. Singa Kayini yali mwana wa Adamu, etteeka erikwata ku busika bw'abaana ababereberye, lyalibadde limuteeka mu lulyo. Era wano kiteekwa okumanyibwa n'obwegendereza nti mu Olubereberye 5:3, kigamba nti, Adamu, "Adamu n'amala emyaka kikumi mu asatu, n'azaala omwana ow'obulenzi mu kifaananyi kye, mu ngeri ye, n'amutuumu erinnya lye Seezi." Tewali we kyogerebwako nti Kayini yali mu kifaananyi kya Adamu, so nga kye yangibadde singa yali mwana we, kubanga etteeka erikwata ku kuzala ligumiza nti buli kimu kireete obulamu okusinziira ku nfaanana yaakyo. Tuteekwa n'okukkiriza amazima nti mu ndyo zombi eziri mu Lubereberye ne mu Lukka, Kayini taliimu. Singa Kayini yali mwana wa Adamu yandibaddeko awantu w'ayogerebwako nti "Kayini, eyali omwana wa Adamu, eyali omwana wa Katonda." Tekigamba bwe kityo kubanga TEKIYINZA kugamba bwe kityo.

Kwo okuba, abayizi okumalira ddala ebbanga ggwanvu, babadde balaga ennyiriri z'abantu za mirundi ebiri: ng'olumu ku zo Iwe Iwali lutyu Katonda olusangibwa mu Seezi ate olulala Iwe Iwo olwali lutatyu Katonda olwatandikibwa Kayini. Era kyewuunyisa ate nga kituufu abayizi bano be bamu tebatubuuliranga nga bwe kyajja Kayini okubeera omuntu ow'ekika ekkyo ate nga Abiri ne Seezi baali ba lunyiriri olwo olw'omwoyo olwali lutyu Katonda. Mazima, Kayini yali asaana asingeko Abiri okuba ow'omwoyo, ate ye Seezi abeere wansi okusinga abo, n'okukkira ddala wansi kubanga buli mulembe ogwali guddawo gweyongera bwetyongezi kuwaba nga guva ku Katonda. Naye nedda, Kayini yatandikirawo nga mubi ddala okusinga omuntu yenna eyali annyonnyoddwako kubanga mu busungu obungi n'okwekaalisa aziyiza Katonda n'Ekgambo.

Kati leka kino kimanyibwe: Ebyawandiikibwa tebizannyisa bigambo. Buli kyawandiikibwa, ky'ago amaaso agaafukibwako amafuta okulaba. Kibeeramu olw'ekigendererwa. Mu Kigambo ekkyo, kigamba Olubereberye 3:20,

"Era Adamu n'atuumma mukazi we erinnya lye Kaawa; kubanga ono ye nnyina w'abo bona abalamu."

Naye tewali kyawandiikibwa kyali kigambyeko nti Adamu ye kitaawe w'abo bona abalamu. Singa tewali kya kugeraageranyaako kino kuteekewa ku Olubereberye 3:20, Iwaki kyalyogeddwako nti Kaawa ye nnyina w'abo bona, ne wataba kigambo kyonna kyogerebwa ku Adamu? Amazima gali nti newankubadde Kaawa yali nnyina w'abo bona abalamu, Adamu teyali kitaawe w'abo bona abalamu.

Mu Olubereberye 4:1, Kaawa yagamba, "Mpeereddwa omusajja eri Mukama." Okuzaalibwa kwa Kayini takubalira ku Adamu. Naye Olubereberye 4:25, agamba

"...Kubanga Katonda yandagirira ezzadde EDDALA MU KIFO KYA ABIRI, kubanga Kayini yamutta." Tagamba nti Katonda Yali AMUWADDE ezzadde eddala -kubanga Oyo Yandibadde Kristo, kubanga Ye YAWEEBWA. Omwana ono Seezi, YALONDEBWA mu kifo kya Abiri. Kaawa atongoza omwana we eyazaalibwa Adamu; tatongoza Kayini kubanga yajja ng'ayitira mu musota. Bw'agamba nti EZZADDE EDDALA eritali Abiri, aba agamba nti Kayini yali wa njawulo ku Abiri, kubanga singa bombi kitaabwe yali omu, yandibadde agamba, "Nnyongeddwa EZZADDE EDDALA."

Sikkiriza buli kimu kye nsoma, naye kino kisanyusa okuba nti akatabo akayitibwa LIFE akaafuluma nga 1 Maaci, 1963, kaayogera ku basawo b'obwongo nti baagamba ekintu kye kimu kyennyini kye tukubaganyaako ebirowoozo. Kati nkimanyi nti abasawo b'obwongo bona tebakkiriziganya, naye kiikino wano. Okutya emisota omuntu kimujjira bujjizi kyokka nga tamanyi oba teyeyagalidde. Singa kwali kutya kwa butonde, abantu baaliyimiridde nga mu ssanyu nga bwe bakola nga bawuniikiridde balaba amazike obo empologoma mu butimba bwazo. Ebirowoozo byabwe ebitali byeyagalire bibaleetera okuyimirira ne beekaliriza emisota. Okusikiriza okwo okw'emisota kwe kukyamuka obo okukwatibwa ekinyegenyege okwo okujja kwokka ekisajja kiryoke kyegatte n'ekikazi. Eky'okuba nti bwe kityo bwe kibadde okuyita mu mirembe gyonna kirabibwa abantu aba buli mulembe nga kye kimu. Emisota bulijjo gibadde era gjija kweyongera okuba ekintu ekitasanyusa n'akatono naye nga kisikiriza. Bulijjo omusota guliwo ng'akabonero ak'ebirungi n'ebibi. Gubaddenga kifaananyi ky'amaanyi ag'okuzaala mu mirembe gyonna. Kiringa ddala ennyinnyonnyola y'ebiali mu Lusuku Adeni, tulaba ng'omusota gwogerwako ng'omuntu mu kibi eky'obukaba.

Kumpi wonna mu nsi mu mawanga ag'enjawulo agatali magunjufu omusota bagukwataganya ku

ntabagana y'omusajja n'omukazi era ne gusinzibwa mu ngeri y'emu. Okuyiga ku ntabagana y'ebisajja n'ebikazi ekyo kikiraga mu bintu ebingi. Kati njagala okumanya wa abantu bano ekyo gye baakiggya so nga si bayigirize era nga tebasomanga na Bayibuli. Naye kifaanana ng'ebyafaayo by'amataba bwe bimanyiddwa wonna mu nsi, bwe gatyo n'amazima gano ag'okugwa kw'omuntu bwe gamanyiddwa. Baamanya kiki ekyaliwo eyo mu Adeni.

Kati wano wennyini omuntu ajja kumbuuza ekibuuzo kino: Katonda Yagamba Kaawa okwerinda omusota oba nti omusota gwali gwa kumusendasenda? Kati wuliriza, Katonda kyali tekimwetaagisa kwogera kintu kyonna ku ebyo ebyali bigenda okubeerawo. Funa omulamwa gw'embooz yonna. Yawa buwi Kigambo. Yabagamba obutalya ku MAGEZI. Balye ku BULAMU NGA KY'EKIGAMBO KYA KATONDA. OKUFA NGA KY'EKO KYONNA EKITALI KYA KATONDA. Bwe yakkiriza EKIGAMBO EKIMU okukyusibwa, setaan n'amubaka. Katonda Yali Asobola okugamba. "Laba, ekyo kituufu. Omanyi bw'onoga ebingi ennyo, bijja kuvunda. Naye engeri yiino ey'okukuma ebibala so nga musobola okunoga byonna bye mwetaaga. Kale mulaba, musobola okubeera n'enkola eyammwe awamu n'eya Katonda mu kiseera kye kimu ekyo." Setaani yaalimukwatidde awo wennyini. Oyo asobia akatundi AKAMU mu mateeka, aba amenye etteeka LYONNA. Ekyo tokizannyisa. Ekyo kyennyini kyaliwo mu mulembe gwa Efeso nga tegunnaggwaako awo nga mu mwaka 170 A.D

Kati omuti gwabala ki? Omuti ogw'okumanya gwazaala kufa. Kayini yatta muganda we, Abiri. Omubi yatta omutuukirivu. Kyateekawo enkola. Enkola eyo ejja kugobererwa okutuusa okuzaawulwa kw'ebintu byonna nga bwe kwayogerebwako bannabbi.

Omuti ogw'okumanya gwazaala abantu abagezi; abasajja abaayatiikirira. Naye amakubo gaabwe ge makubo ag'okufa. Abantu ba Katonda bo si bwe batyo, bo babeera balowooza bya mwoyo nga beesigamye ku Katonda n'obutonde, nga balima ettaka lyabwe mu bukkakkamu nga bafa ku mazima so si bya bugagga. Ezzadde ly'omusota lireese eby'obusuubuzi bingi, ebivumbuddwa ebisamaaliriza naye nga byonna bireeta kufa. Obuganga bw'emmundu zaabwe wamu ne bbomu zinnamuzisa bitta mu ntalo; ate okuvumbula kwabwe okw'ebiyuma nga mmotoka, mu biseera eby'emirembe kutta okusinga ebyo eby'entalo bwe bitta mu biseera eby'emitawaana. Okufa n'okuzikiriza by'ebibala by'okutegana kwe.

Wabula banaddiini. Bakkiririza mu Katonda. Balinga kitaabwe, setaan, era nga jjajjaabwe, Kayini. Abo bombi bakkiririza mu Katonda. Bagenda mu kkanisa. Beetabula mu batukuvu ng'enngaano ey'omu nsiko bwe yeeatabula mu nngaano ennungi. Mu kukola bwe batyo, boonoona, ne bazaala eddiini y'Abanikolayiti. Mu buli kufuba kwabwe, basaasaanya obutwa bwabwe nga bagezaako okuzikiriza ezzadde lya Katonda nga Kayini bwe yatta Abiri. Mu maaso gaabwe, temuli kutya Katonda.

Naye Katonda Tabuzaako n'omu ku babe. Abakuma ne mu kufa, era Yasuubiza nti ku lunaku olusembayo Alibazuukiza.

Okumaliriza

"Awangula Ndimuwa okulya ku muti ogw'obulamu, oguli wakati mu lusuku lwa Katonda."

Ekirowoozo kino nga kikyamula. Omuti ogw'obulamu mu lusuku Adeni ogutaayinzika kesembererwa olw'okugwa kwa Adamu kati guweereddwa eri awangula. Ekitala ekyakaayakana ekya kerubi omukuumi, kizziddwayo mu kiraato kyakyo. Naye nga tekinnazzibwayo mu kiraato kyakyo, kyonna kyali kijjudde omusaayi gw'Omwana gw'Endiga. Ka tulowooze nnyo ku mazima gano nga bwe twebuuza lwaki Adamu ne bazzukulu be baagaanibwa Omuti ogwo naye kati ne bakkirizibwa nate.

Ekgendererwa kya Katonda mu kutonda omuntu, kwali kwolesa Bigambo Bye. Mu Lubereberye, Adamu yaweebwa ekigambo atambulirengamu. Obulamu obutambulizibwa mu Kigambo bwe bwandibadde Ekigambo ekyogere. Ekyo kituufu si bwe kiri? Naye Adamu obulamu bwe yabwesigamya ku Kigambo ekyo? Nedda, kubanga yali wa kubeerawo olwa BULI Kigambo, era n'alemwa okubeera omuwulize eri buli Kigambo. Oluvannyma ne wayimukayo Musa. Omusajja nga yali wa kitalo era ow'amaanyi. So nga yalemwa okubeerawo olwa buli Kigambo, era nnabbi oyo, ageraageranyizibwa ku Nnabbi Omukulu agenda okujja, olw'obusngu yalemwa okugoberera Ekigambo. N'ebeerayo Dawudi, kabaka ow'ekitalo owa Isiraeri omusajja eyalina omutima ng'ogwa Katonda. Obwenzi bwamusuula bwe yakemeewa. Naye entuuko z'ebiro bwe zaatuuka, ne wajjavo Omulala, Omutwe, Oyo Yesu Ateekwa okukemebwa

okulaba oba ng'Asobola okuba omulamu olwa BULI Kigambo ekiva mu kamwa ka Katonda. Awo Setaani n'awangulwa. Kubanga waaliwo wano Eyabeera omulamu olwa "Kyawandiikibwa" Oyo Ye Yali Ekifaananyi kya Katonda Ekituukiridde Eyawangula olw'okwolesa Ekigambo kya Katonda. Olwo ne wabeerawo Oyo Ataaliko kamogo nga Mutuukirivu n'Aweebwayo eri omusaalaba, nga ssaddaaka entukuvu, Endiga ya Katonda etuukiridde. Era ku muti' Yafunirako ebiwundu ebyamutta, ffe, olw'okuba Ye era okuyita mu Ye, tulye ku Muti ogw'Obulamu, era Obulamu Obwo obutuweebwa obuwa butusobozese okuwangula, era twolese Ekigambo kya Katonda.

Era kati eri Abaana ba Katonda bano, abaawangula nga bayita mu Ye baweebwa omukisa gw'olusuku

Iwa Katonda, n'okubeera awamu ne Yesu Kristo olubeerera. Tewalibeerawo kwawukana naye nate. Buli gy'Alaga, n'omugole We gy'agenda. Ebibye, Abigabanira wamu n'omwagalwa We ku musingi ogw'okusikira awamu. Eby'ekyama, bijja kubikkulwa. Eby'omu kizikiza bijja kutekebwa mu musana. Tujja kumanya nga bwe tumanyibwa. Era tujja kubeera nga Ye. Buno bwe busika bw'omuwanguzi awangudde olw'omusaayi gw'Endiga awamu n'Ekigambo ky'obujulirwa mu Yesu Kristo.

Nga twesunga olunaku olwo amakubo agaakyama Iwe galiteerezebwa, era tulibeera wamu Naye emirembe egitakoma. Olunaku olwo Iwanguwe okulabika era naffe bwe tutyo twanguwe okugondera Ekigambo Kye ekyo kikakasa nti tusaanira okugabana ku kituibwa Kye.

"Alina okutu awulire Omwoyo ky'Agamba amakanisa." Nga kyennyamiza okuba nti omulembe guno ogwasooka tegwawuliriza Mwoyo. Mu kifo ky'okuwuliriza Omwoyo, gwawuliriza muntu. Naye Katonda Yeebale, mu mulembe ogusembayo wajja kusitukayo ekibiina ky'abantu, Omugole Omutuufu ow'ennaku ezisembayo, era ajja kuwuliriza Omwoyo. Mu lunaku olwo olw'ekizikiza ekikwafu omusana gujja kukomawo nga guyita mu Kigambo ekirongoofu era tujja kuddayo ku maanyi ga Pentekoote twanirize Mukama Yesu Kristo.



www.messagehub.info

Byabuulirwa

William Marrion Branham

"...mu nnaku z'eddoboozi..." Kub. 10:7